

Алихонтўра СОҒУНИЙ

ШИФО УЛ-ИЛАЛ

«Шарқ юлдузи» журнали
1996 йил, 6-сон

Бисмиллаҳир роҳманир роҳийм

Сўз боши

Қўлингиздаги ушбу «Шифо ул-илал» (Дардлар давоси) деган рисолани 1937 йил июн ойларида отамиз Алихонтўра Соғуний Шарқий Туркистоннинг Ғулжа шаҳрида золимлардан қочиб, Кунас тоғларида Тойошув, Қўйошув деган ерларда қирғиз биродарлари орасида ёзганлар.

Отамиз 1885 йил 21 март, шанба куни Тўқмоқ шаҳрида маърифатчилар оиласида туғилганлар. Асли юртлари Андижон, Хўтанариқ маҳалласи тўралариданурлар.

Муножот

Тангриси яхши нидо бўлса ризо
Яхшиликлар барчасин қилди Муҳаммад Мустафо
Эй ото, сизга муборак, қўшилур юз минг шараф
Эл учун қолдирдингиз таърих Муҳаммад Мустафо
Муяссар қилди ёзмоққа таърих Аҳмадни
Шуқрим ул тангрига бўлсин, яратгандур олий Муҳаммадни
Шараф бўлсин Муҳаммадга, олиб келган бу қутлуғ йўл муборакни
Дилинг кўрсинг жаҳолатдан қутқарган нури покни
Кўрурсан унда шижаат ҳам суббот бирлан матонатни
Кўрурди Қуръон ҳақиқат йўо кафолатни
Ҳимоят қил бўлсанг уммат, ўқиб ўрган Муҳаммадни
Дуо қилсанг таърих ёзган Соғунийга
Бизни эсла зурриёти Боқирғонни.

Асиљон АЛИХОНТЎРА ўғли

ШИФО УЛ-ИЛАЛ

Бисмиллаҳир роҳманир роҳийм

Эй фарзанди азиз, билгинким, илм икки турли бўлур. Бириси дин илмидур, иккинчиси тан илмидур. Агар киши дин илмини билмаса, иймон, охиратга зиён бўлур, тан илмини билмаса, турмуш-тирикчилик роҳати бузилур. Дин илми деб, мусулмончиликка лозим бўлган шариат илмини айтилур. Тан илми деб, тан-соғлиқни сақлайдурғон тиб илми дейилур. Дин илмини билмак, ўқимоқ ҳар бир мусулмонга қандай фарз бўлса, тиб илмини билмак ҳам шундоқ фарзdir, Агар бир шаҳарда, иймон, ислом-мусулмончиликни ўқитиб билдирадурғон уламо бўлмаса ва иссиқ, совуқни айириб, оғриқ, касални ажратиб турадурғон ҳукамо бўлмаса,

шариатимиз буйруғи буйича үндоқ шаҳарда ҳеч бир мусулмон одамнинг туриши дуруст бўлмайдур. Бу очик масаладур. Шунинг учун мусулмонларга ёдгор булурлуқ бу тўғрида бир неча асар китобчалар ёзмоқ ва ҳам шу илмдан ўқитиб, бир неча ислом болаларини тарбият қилмоқ, фалокатда қолғон миллатим учун муҳим хизматларда бўлмоқ кўнглимдаги биринчи орзу-тилакларимдан бўлса ҳам бу кунги чоғлик мұяссар бўлмади. Бундан кейин бўларму деган умидим бор. Энди ҳаммасини қилолмасам ҳам ҳаммасидан қуруқ қолмай деб, ўз фарзандларим учун ушбу диёрда, яъни Ила ва Гулжа Туркистон, Фарғона мусулмонлари ичинда кўпроқ бўладурғон иллат-касалларни баён қилиб, шуни шифо-даволарини ёздим, лекин бу варак юзига ёзган сўзларим ўзим 25—30 йиллар шу илм ичинда хизмат қилиб, кўзим бирла кўриб, қўлим бирла ишлаб тажриба қилгонларимдур. Агар фарзандларимиздин қайсилари ақл-фаросатли бўлиб зийраклик бирла ушбу сузларни ўз урнида ишлатса, бошқа жоҳил табибларга хожатлари тушмас, деб ўйлайман. Ҳар бир касбларда агар киши хато қилса, зарари молга етар, агар тиб илмида хато қилса, жонга етар.

ФАСЛ

Билмак керакким, кишининг мижози тўрт турлик: қуруқ-иссиқ, ҳўл-иссиқ, қуруқ-совуқ, ҳўл-совуқ. Яна иксонда тўрт турлик суюқ модда бўлур, биринчи сафро, иккинчиси савдо, учинчиси балғам, тўртинчиси қон. Киши томоқни егандা, оғиз бўғиздан ўтиб, меъдага тушар. Меъда таомни сиқиб, эзиб ҳазм қилганда тилипи ичакка ўтиб, унда ҳам кераклик нарсалари олиниб, кераксиз нарсалари ташқарига чиқарилур. Меъдада қолғон соғ қувватлик суви меъда бирла жигар орасидаги масориқа деган меъда томирлари орқали меъдадан жигарга қўйилур. Бунда қайнаб, қонга айланур. Устига чиқкан кўниги сафро бўлур. Чет ёқага чиқкан қасмоқлари балғам бўлур, остига тушган қўйқумлари савдо бўлур. Мусаффо — тозаси қон бўлур. Бу қон жигардин юракка ўтиб, ундан ўпкага ўтиб, ўпкага кирган ҳаво бирла тозаланиб, яна юракка ўтиб, юрак томирлари орқали бутун баданга тарқаб, мундин бадан тарбият олиб турадур. Инсоннинг умри бўйинча қон узилмай, шу тартибла юриб турадур. Мана буни қон айланиш, деб айтилур.

ФАСЛ

Сафро туркийда ўт жойи, жигарга осилган ўт халтасида бўлур. Савдонинг жойи қоратолда бўлур. Балғамнинг жойи упкада бўлур. Қон бўлса ҳамма бадандадур, Агар бир тола тукнинг тагига қон етмай қолса, унга заҳмат етар, мана энди бу тўрт суюқ моддалар ўз лойик жойинда турса, тан соғ бўлур. Агар ўз чекида турмай, ортиқ ё кам бўлса, иллат-дардлар шундин пайдо бўлур. Бу моддаларнинг ортиқ-кам бўлиши, ғизодин¹ бўлур. Демак, ҳар бир иллат-касалларнинг боши биринчи сабаби емак, ичмак тартибсизлигидан бўлур. Буни яхши билмак керакки, ғизо тартибини яхши сақлаган киши умр бўйича касал-бетоб бўлмаслиги мумкинdir.

ФАСЛ

Сафро қуруқ-иссиқ, савдо — қуруқ-совуқ, қон — ҳўл-иссиқ, балғам — ҳўл-совуқ. Энди ҳар бир иллат кўпроқ ушбу моддаларнинг инсон баданида ўз мўлжал-меъёридин ортуқ бўлиб кетганлигидан пайдо бўлур. Қон мижоз бўлган кишининг аломати: тани — этлик, юзлари қизил, тўлиқ бетлик, хушфеъл, хушқилиқ, кунгли қувончоқ бўлур. Юраги қенг, ўзи баҳодирсифат, тани қувватли бўлур, Сафро мижоз одамнинг белгиси кўпинча буғдой ранги, ўзи этсиз, ўзи қотмол, юраги тор, зардаси тез, ўлтириб-туриши енгил, жонсаракроқ бўлур. Савдо мижознинг аломати — ранги-рўйи қорамтири, баъзиси темирқаро, гоҳ бириси тол рангига. Юзи гўштсиз, ўзи қотмол, ориқ, бадхўй, бадфеъл, қўрқоқ бўлур. Балғам мижозли

одамнинг белгиси — кўпинча оқ тусли, юзлари лўппи, этли, танлари юмшоқ, уйқуси кўп, ўлтириб-туриши оғир, ғамемас, ўзи қўрқмас бўлур, қорни катта, семиз одамлар ҳаммаси балғам мижозли бўлурлар.

Фасл. Қуруқ-иссиқ икки турли бўлур. Сафроли қуруқ-иссиқ, сафросиз қуруқ-иссиқ. Агар бир одам сафроли қуруқ-иссиқдан оғриган бўлса, аломати шулки, томири илдам ҳам ингичка солур. Юз, кўз оқлари сарғимтири, оғзининг таъми эрмандек тахир бўлур. Чанқоғи кўп, иситмаси ўткир, баданлари, оғиз-бурун, тил-томоклари қуруқшаб туур. Бунинг устига сийдити сариқ булиб, кўнгли айниб, оз-кўп сафро ёндириб (қустуриб) турса, бу оғриқнинг албатта сафродан бўлгонлигига ҳеч бир шак-гумон қилмаслик керак. Агар сафросиз қуруқ-иссиқ бўлса, оғизнинг тахирлиги, юз-кўзнинг сариқлиги, кўнгли айниб, сафро ёндиришлиги бўлмайдур. Бошқа аломатлари бўлур.

Фасл. Ҳўл-совуқ ҳак икки турли бўлур. Балғамли ҳўл-совуқ, балғамсиз ҳўл-совуқ. Агар бир киши балғамли ҳўл-совуқдан оғриса, аломати шулким, томирлари йўғонроқ бўлиб, ақрин (секин-секин) юмшоқроқ, бўшроқ солур. Ташналиқ, оғзи бемаза бўлмас, оғзи-бурни сувланиб туур. Кўз-қовоқлари шишмол бўлур. Уйқуси кўп, иситмаси бўш, пешоби оқ, баданлари оғир бўлур. Агар балғамсиз ҳўл-совуқ бўлса, оғиз-бурни куп сувланмас, юз-кўзи қовоқлари кўпчиб, шишмол бўлмас. Бошқа аломати ўрнида бўлур. Агар бир киши қон куплигидан оғриған бўлса, аломати шулки, томири йўғон бўлиб, тўлиқ бўлиб, ҳам илдам, ҳам юқорига сачраб, қаттиқ тез солур. Юз-кўзлари, оғиз-дудоқлари қизил бўлур. Айниқса, тил уч четлари ортикроқ қизил бўлур. Оғзи қон тамланиб, жигар маза бериб тураг. Боши, кўзлари, қовоқлари, бутун баданлари оғирлашиб, музгак босиб тураг, қўл томирлари, чекка томирлари кукариб, иргиб чиқиб тураг. Иситмаси қаттиқ бўлиб, ўзи терлаб тураг. Пешоби қизил бўлур. Агар киши қуруқ-совуқдин оғриса, аломати шулки, томири ингичка бўлиб, кўи юқори кўтарилемай остинроқ солур. Лекин уриб турған томирға қул босиб турса, қаттиқроқ уринур. Оғиз-бурни, юз-кўзлари, бошқа баданлари қуруқшаб тураг. Уйқуси оз бўлиб, фикр-хаёлида ҳар турли қарама-қарши ўй кўп бўлур. Орқа пешоби қорамтири келур. Иситмаси бўш булур.

Фасл. Оғриқ юқорида айтилган 4 модда, яъни, сафро, савдо, балғам, қон — шуларнинг бирида бирори кўпайиб кетғанлиқдан бўлса, бу вақтда танқия қилмоқ лозим бўлур. Танқия деб ошуқча моддани дори билан бадандин чиқазмакни айтилур. Агар моддасиз бўлса таъдил кифоя қилур. Таъдил деб, мижозни ўз ҳолига ёндириб, тузатмакни айтилур. Масалан, совуқ бўлса, иссиқлик қилур, иссиқлик бўлса, совуқлик қилур. Қуруқ бўлса, ичидин-тошидин ҳўл нарсалар бирла даво қилур. Мана шуни таъдил дейилур.

Фасл. Танқия уч нарса бирла бўлур. Биринчиси сургу қилмоқ, иккинчиси қустурмоқ, учинчиси қон олмоқ. Қиши кунлари сургу қилмоқ яхшироқдур. Сабабки, иллат пастроқдаги ичакларга яқинроқ бўлур. Буни сургу билан чиқазмоқ осонроқдур. Ёзги иссиқ кунларда иллат моддаси юқори тарафларга, меъда устига ўрлар. Буни ёндириб (қусуб) ташламоқ енгилроқ бўлур. Буни яхши билмак керакки, дунёдаги борлиқ нарсанинг бир сабаби бордир. Сабабсиз ҳеч нарса бор бўлмас. Оллоҳ таоло бу жаҳондаги ҳар нарсани бир неча сабабларга боғлагандур. Бандаларни ҳар ишнинг сабабини излашга буюрадур. Ҳар ишни сабабларини билиб, текшириб ишлашга, сабабли қилғондин кейин шифосини Худодин сўрашга амр қиласдур. Сабабсиз бир ишни вужудга чиқармоқлик қудрати одат булмабдур. Шунинг учун бемор киши дарднинг сабабини қилмай, Худодин шифо сўраб қараб турса, шариат олдида гуноҳкор бўлур. Худо ҳузурида сўроққа қолур. Дунё майдонида яшагувчи киши, хоҳи анбиё, хоҳи авлиё ҳамма сабабга ҳожатдур. Бир ишни сабабларини қилиб, қолганига таваккал қилсун, бўлмаса Худо таолонинг бу дунёга қўйғон низом-қонуниға қаршилик қилғон бўладур. Васият: «Бу дунёда ҳеч нарса тан-соғлиққа етмас», «Тан-соғлиқдан улуғ давлат йўқдир». Агар кишининг тани соғ бўлмаса, тўққиз қават кўрпа-тўшакда, олтин таҳт устида ётса, ундан не фойда бўйлур. Бу дунёнинг роҳати, охиратнинг давлати барчаси тан-соғлиққа боғлиқдур. Буни ҳар қандоқ киши ҳам билса керак. Шундай бўлса ҳам билиб туриб, бу улуғ неъматнинг қадрига етмаслик, тан-

соғлиқнинг йўлини тутмаслик, ўз жонига хиёнат қилмоқлиқдур. Оллоҳ таоло одам фарзандларидин икки тоифани жаҳон ҳалқи учун улуғ неъмат қилиб яратди. Бирлари пайғамбар анбиёлар, иккинчиси ҳукамолар. Биринчилари одамларнинг ботин дардларига даво келтиради. Иккинчилари зоҳир дардларига шифо келтиради. Бу икки тоифанинг вужудлари, бу дунёга келишлари одам болалари учун Худо тарафидин берилган улуғ неъматdir. Бунинг қадрини билиб, биринчи, пайғамбарларнинг айтгандарини қилиб, ботин иллати куфр, нифоқ дардидин қутулиб, дини имонни тузатмак керак. Иккинчи, ҳукамоларнинг деганларини маҳкам тутиб, тан соғлиғини топмоқ керак. Шунинг учун ҳукамолар, ҳар киши бир таом еб, шу таом яхши сингиб, ҳазм бўлмасдин туриб, очкўзлик қилиб устига яна бир таом еса, ўз қўли бирла заҳар-офу ичиб, ўзини ҳалок қилгандек бўладур, дейдурлар. Шунинг учун шариатимизда айтилур: бир киши тўқ қурсоқ устига таом егандин яна ейишга одам топмаса, итга бергани яхшидур. Демакки, бундоқ таом емаклик тан-соғлиқни бузадир. Тарбияти бадан қилиб, тан соғлиқни сақламоқ ҳар бир кишига шариат бўйинча фарздир. Шул тўғрида туйиб туриб, устига шифаб емаклик, шариатда ҳаром бўлди. Мана анбиёларнинг айтган сўzlари. Шул сўzlарга қараб, ҳар бир киши амал қилиши фарздир. Бўлмаса, икки дунёда зиён курадур. Кўз кўриб турадурки, дард-касаллар кўпинча томоқдин бузилиб бўла-дур. Энди ҳар киши нафсини тийиб, емак-ичмакнинг тартибини бузмаса, ундоқ одамнинг тани соғ бўлишиға ҳукамолар кафилдирлар. Ақли бор одамга шу қадар сўз етса керак. Инсон дунёда оғриқ кўрмай, таним соғлиқ билан ўтсин деса, З нарсани яхши тутсун. Биринчи, емак-ичмакни эҳтиёт қилсин, иккинчи, соғ ҳаво, учин-чи, тоза сув. Ҳавонинг тан-соғлиққа кўп дахли бор. Чунки ғизоға ҳар кунда уч қайта ҳожат тутса, ҳавога ҳар нафасда ҳожат тушадур. Кўп иллатлар ҳаво бузилгандан пайдо бўладур. Ҳар ким ўзи ўлтурган уйни, кўра жойларини кўп покиза қилиб, тоза тутмоқ керак. Тозаликнинг тан-соғлиққа кўп дахли бордур. Мусулмончилик ҳам тозалик билан бўладур. Кўринг, агар танга ёки кийим-бошга бир қатра палид нарса тегиб қолса, намоз дуруст бўлмайдур. Эгни-бошларни, танларни пок, тоза тутмоқ, чиркин, сассиқ нарсалардан сақланмоқ, ўзини ҳар вақтда хуш исли тутмоқ керак. Инсоннинг руҳи исли нарсалардан тарбият топадур. Шунинг учун ҳукамолар ёз кунларда ҳар ўн кунда бир ҳаммом — мўрчага тушсин, қиш кунларда 10—15 кунда бир тушсин дейдур. Шариатимиз-да ҳар жума кунида ғултаҳорат қилмоқ суннат бўлди. Энди бу вилоятларда кўпроқ пайдо бўладурғон иллат-оғриқларни баён қиласиз.

Фасл. Ҳиммонинг баёни. Ҳиммо деб, арабчада иситма, безгакни айтур. Қалтиратиб, титратиб тутса безгак дейилур. Бўлмаса, қизитма, (иситма) тап дейилур. Мана бу юртларда — Ғулжада бу иллат кўпдур. Кўплигини сабабларини айтиб ўтсан, сўз ўзгариб кетадур. Анинг бошқа сабаблари сувнинг бузуқлиги, шаҳарнинг чуқурлиги, ҳавонинг пастилигидир. Бу иситма, безгак кўп турли бўлур. Ҳукамолар 70 неча турлигини баён қилиб, шунинг даволарини айтибдурлар. Биз бу ўринда кўпроқ бўладурғон бир нечаларини айтиб ўтамиз. Безгак катта, кўрқинчли иллатлардан булсаму, кўп бўлишидан одамлар ўрганиб қолиб, кўрқмайдурғон бўлиб қолибдурлар. Шунинг учун бепарволик қилиб, кўп одамларнинг ажалларига сабаб бўладур. Чунки безгак бир неча ой чўзилса, мундин кўрқинчли иллат пайдо буладур. Дарднинг устига дард бўлиб, ҳалок қиладур. Ҳеч иллат, дардни кичик санағани бўлмайди. Дардни кичик кўриш ўтни кичик кўриб, хонимонини куйдирганга ўхшашдур. Безгакнинг энг биринчи аломати кезаклик (ўқтин) тутиш, тутиб ўтгандан кейин қўйиб беришдур. Гоҳиси ҳар кунда тутадур. Гоҳи-си кун ошиб, гоҳиси уч кунда, мана бу уч турлиги кўпроқ бўладур. Бундан бошқа тўрт кунда, беш кунда, олти кунда, етти кунда, саккиз кунда, тўққиз кунда, ўн кунда бир йўли тутадурғон бўлсаму, булар озроқдур.

Фасл. Безгак иситмаларнинг иссиқ-совуғини ажратишнинг баёни. Билмак керакким, ҳар безгак ахир кун ошириб тутса, албатта сафродин, қуруқ иссиқдин бўладур. Бунинг аломатлари бош оғриқ, ташналиқ, қўл-оёқнинг оғриши, оғиз-бурун, тил, томоқ қуриш, иситма қаттиқ бўлиш, юз-кўз, тиллари сарғайиш ва қисқа тутиши сафрога қараб бўладур. Агар холис бошқа

нарса аралашмаган сафро бўлса, қисқароқ тутиб ўтадур. Агар озроқ балғам аралашган бўлса, узунроқ ушлайдур. Бунинг иложи уссуликка (чанқоқقا) тамрихинди, қора ўрик, ўрик шулар, дин чилаб қўйиб бераверсин. Лекин оз чиламасин. Қувватли қилиб, кўп-кўп солиб музлатиб ичирсун. Иситмани қайтариш учун оқ безгак хинин доридан чўнг киши бўлса З вақт қофоз гюрошок ичурсин. Лекин бир порошогини дард тутмасдин илгари пайқаб туриб, ярим соат болдироқ (олдинроқ) ичкизмоқ зарур. Ҳар қандоқ безгаккя, айниқса иситмадин бўлган безгаклар учун бундин ортиқ ҳеч бир даво бўлмас. Ёлғизоқ безгак дори иситмаға ва бошқа касаллардаги иситмаларга ҳам бериш керак. Бутун ер юзидағи илгари, кейин ўтган ҳукамодўхтиргар шунинг фойдасини кўз билан кўришиб, кўп тажриба қилишиб, ҳаммалари тўхтам қилганлар. Лекин 1—2—3 порошок бирла фойдаси кўринмаса. 9—10 порошоккачалик бермоқ керак. Бунингму фойда-си бўлмаса, бу чоғда дўхтирга қаратиб, бу замонда ривож топган укол дориларни соддирмоқ лозим. Лекин билиб қилса, сургу дори ҳар қандоқ безгак қисмига фойдаси бордур. Ҳар кунда тутадурғон бўлса, тугиб ўтгандан кейин, кундузи тутса кечаси, кечаси тутса кундузи ичилмак керак. Безгак иситманинг ҳар қандоги бўлсин, ёғ-гўшт, қатиқ зиён қилур. Қовун албатта, зиён қиладур, Балки ёғ безгакни чақирадур. Аммо тарвуз иссиқдин бўлган безгак-иситмаларга фойдаси бўлур. Шундоқ бўлса ҳам сувини сиқиб ичириш керак. Тарвуз сувига тамрихинди чилаб қўшуб ичулса, биринчи даво бўлур. /Гар тарвуз сувини — кўпроқ қизиб кетса, берулсун. Баданда сафро моддаси кўп экандур. Дарҳол сургунинг чорасини қилсун. Мана мен факир бу тўғрида ўзим қилиб, қайта-қайта фойдасини кўрган баёнларини ёзганман. Ҳар киши сургуни ичишга қойим бўлиб, дори ичмаги қийин бўлса, мана бу муборак сургуни шарбат ўрнида ичиб, бизни ҳаққимизга дуо қилсун. Муборак сургу будир. Уч мисқол яхши, тоза, янги санои макка олсун. Дорини аптекадан олсун. Чўп-чорларини тозаласун. Бир тола бўлса ҳам чўии қолмасун. Икки қадоқ ўрик, ўн мисқол тамрихинди (қорамтиран қизгимтири тамрихинди яхши бўладур). Йигирма мисқол таранжабин, ярим мисқол қизил гул еки озроқ гулқанд. Агар йигирма-ўттиз дона чилон қўшса, яхши бўлур. Қушмаса ҳам майли. Мана муборак сургунинг аъзолари. Энди муни билаш тартиби шулки, дастлаб санони хўб тозалаб, қизил гул билан қўшиб, бир чойнакка солиб, қайноқ сув қўйиб, утга қўйсун. Жимири-жимири бир оз қайнасун. Кейин ўт таптида турсун. Оз бўлганда 5—6 соат турсун. Таранжабинни бир косага солсун, устига косани тўлғизмай қайноқ сув аралаштириб қўйиб, бир оз тингандан кейин докада сузиб олсун. Сувини тиндириб қўйсун. Тамрихиндини урутидан ажратиб, ипчаларини айириб ўрик бирла қўшиб ивитиб қўйсун. Мана бу нарсаларнинг татиги яхши чиққанда санони сузиб, бу шарбатларга қўшиб, сув ўрнида ҳар қанча ичса ичаверсин. Ҳам чанқоғини босар, ҳам сургу ўрнида ўтар. Мана ҳар қандоқ иссиқдин бўлғон иллат, майли, қизитма безгак, майли бошқа касалларнинг ҳам ҳаммасига фойда қилур. Тамрихинди ва таранжабин мабодо топилмай қолса, ўрнига қора ўрик, шафтоли қоқи солса ҳам бўлур. Ёлғиз сано ўрик бирламу бўлур. Агар совуқ мижоз одам ёки совуқ безгак иситмаларга бу муборак сургуни қилмоқ бўлса ярим қадоқ кўк кишмиш, беш мисқол яхши сано, уч мисқол қизил мия илдизи, бир ярим мисқол арпабодиён, ярим мисқол қизил гул, кишмиш билан қизил мия илдизини тозаланиб бир қачаға (идиш) чиласун. Сано, арпабодиён, қизил гулни чойнакка солиб, қайноқ сув қўйиб, қайнатсун. Бошқа дориларни татигини чиқариб, сузиб, шарбатларини бир-бирига қўшиб, илмонроқ ичса, совутиб ичса, ҳам майли. Лекин холис сувни ичмакчи бўлса, илимон ичмак керак. Билмак лозимки, сургу ичадурғон киши уч кун болдирироқ ич қотирадурғон нарсалардан сақланиб, мулойим ғизолар еб турса, сургу бемалол амал қилиб, қурсоқ оғритмай яхши тозалайдур. Гурунчдин бўлғон ғизоларнинг ҳаммаси қабзият қилур. Мулойим ғизоларнинг ичинда ҳаммадин яхшироғи товуқ шўрвасидур. Лекин семиз бўлмоғи, ёш жўжа бўлиши шартдур.

Фасл. Агар безгак ҳар куни тутса, бўшроқ, узун эзилиб ётса, боз оғриқ йўқ бўлса, аммо ташналиқ гоҳи бирида бўлмас. Кўз қовоқлари шишмол бўлиб, юзлари ўтуққандек кўринса, совуқдир. Биринчи аломати узоқроқ эзилиб тутиб, бўшроқ тутушдур. Бу турлик безгаккаму хинин фойда қилур. Лекин гоҳида фойдаси билинмайму қолади. Агар безгак дориси фойда

бермаса, беш мисқол тоза хитой реванчин, уч мисқол арпабодиённи қайноқ сувга солиб, қайнатиб, яхши татиғи чиқсин. Арпа бодиённи болдирироқ солмоқ керак. Чунки мазаси кечроқ чиқар. Мана шундан ҳар куни 4 вақт, ҳар ичганда ош қошиқда иккода-учдан ичсун. Чўнг киши бўлса, агар бола бўлса, бирдин ичсун. Бу дорини ўзим тажриба қилиб кўриб, фойдасини кўрдим. Буткул бўйи, қўл-оёғи, қорни шишган, арабчада истисқо деган (дўхтиrlар водианка деган) шишлик иллатга ҳам мундин ортуқ даво йўқдур. Реванчни хитойчада дихонг дейдур, Лекин қорайган, эскирмаган, кучи кетмаган янги, яхшироғини топиб олмоқ керак. Сабабки, ҳар бир дори эскириб қолса, кучи кетиб, фойда қилмайдур. Бу кунги дорифурушлардаги дорилар кўпинча халта теги бўлиб, сурилиб қолган дорилардир. Шунинг учун қорин оғритмоқдин бошқа фойдаси йўқ. Яна бир иложи ҳиндибадбўйдин ҳар куни жўхори донасилик ютсун. Буму совуқдин бўлгон безгак-иситмаларга фойдаси кўпдир. Елқурсоқ кишиларга ҳам фойдаси кўпдур. Агар совуқдин бўлса, бу ҳиндибадбўй деган дори шу или тоғларидин чиқар. Ҳар қайси дўконда бордир. Сарифидан кўра қизғимтироғи яхшидур. Яна бир иложи мен кўп ишлатган тегаракбош сариқгулнинг арақи, агар арақиси бўлмаса, ўзини қайнатиб, ҳар кунда 3—4 қатим, шунинг сувидан ҳар ичганда 2—3 қошиқ ичса, ҳар турли совуқ безгакларга, гоҳида иссиқ-безгакларга ҳам фойда қилур. Бош оғриққа, курсоқ оғриққа, меъда ичаклардаги қуртларга кўп фойда қилур. Тажрибадан ўтган. Бу ерларда ҳам топилур. Кучсизроқ бўлса ҳам оқи фойда қилур. Гап унинг ўрнини билиб ишлатмакда. Лекин пишган вақтини билиб олмоқ керак. Агар З кунда бир тутадурғон безгак бўлса, безгак қуруқ-совуқдин бўлур. Яъни, куйган сафродин пайдо бўлур. Сафро ўз вақтида чиқарилмасдин бадандга туриб қолса, куйиб қорайиб кетар, Сарифлиги йўқ бўлиб, қорайиб қодур. Буни савдо деб айтилур. Арабча қора демак бўлур. Мижоз сафро борлиғида қуруқ-иссиқ бўлса, савдога ўрилгандин кейин қуруқ-совуққа айланадур. Бу турлук безгакнинг кўпинча аломати сўл ёқ биқинда санчик бўладур. Ҳар икки кун ўтуб, учинчи кунида тутар. Бунга ҳам неча хил дориларни бериб кўрдим, Лекин тоза риванч бўлса, бундан ортиқ дорини кўрмадим. Юқорида ёзилган миқдорда ҳар хафта — 10 кун, балки 15—20 кунгачалик тўхтамаса, узмай ичмак керак. Буни ҳам тажри-ба қилиб, кўп фойдасини кўрдим.

Фасл. Зинҳор-зинҳор иситма-безгак бўлғанларнинг сиртидин ёғ ва ёғли нарсаларни суртмаслик керак, кўп зарари бордур. Аммо совуқ безгак иситмалар учун жўзбувага ўхшаш нарсалар эзиб суртса, фойдаси бўлур, зиён қилмас. Лекин пошўя қилиш, яъни сувга лойиқ нарсалардин солиб қайнатиб, шунинг бирла қўл-оёқларини ёки тамом баданларини ювишлик фойда қилур. Ҳукамолар буни пошўя деб айтурлар. Дўхтиrlар ванна дейдур. Бу ўринда ўзим тажриба қилган, фойдасини кўрган бир неча пошўяни баён қиламан. Агар (иситма) тап безгак қуруқ-иссиқдин бўлса, мунга лойиқ пошўя шулки, агар ёз кунлари бўлса, (тол) сўтатнинг майдада ёпирмоқлик бутоқларидин 2—3 тутам олиб, муни тош устида ёки ёғочга қўйиб, сўқиб, бир оз эзиб, бир чеълак сувга солсун. Устига кова(ошқовоқ)дан 2—3 парчани қириб солсун. Агар бирорта чангол гул, бинафша қўшса, яна яхшироқ бўлур. Арпа кепаги ёки арпани чала янчиб, бир ҳовуч мундин солса, мана шуларни қуввати чиққунчалик қайнатиб сузид олиб, ёз сувидек қилиб, беморни шуни суви бирла ҳар куни ювилса, кўп фойда қилур. Лекин касал кишига малол келтирмай ювсин, Бу пошўяни иссиқдин ҳар турли тап қизитмаларнинг ҳаммасига фойдали кўрдум. Озроқ эрмонқўрай қўшиб қўйса, яхши бўлур. Агар иситмаси совуқдин бўлса, буғдой кепаги, уч чангол эрманқўрай, агар бор бўлса арпабодиён, мана бу учовини яхши қайнатиб, таҳорат сувидек қилиб, ювсун, Буму фойдалиқдур. Пошўя қилмоқ учун чўнг-кичиликка бўлибму ёш болаларга кўп нафлидур.

ФАСЛ. ҲУҚНА ҚИЛМОҚНИНГ БАЁНИ.

Ҳуқна деб арабчада амалчани; яъни клизма қўймоқни айтилур. Бу иш илгаридан бери ислом ҳукамоларидин ишланиб келинган нарсадир. Кўп яхши илождур, Бу замонамиизда машина клизма пайдо бўлиб, ҳаммага расм-одат бўлиб қолди. Клизма қўйишнинг бир неча

турларини бу ўринда кўрсатиб ўтаман. Мошина қўйиш иллатга қараб бўладур. Буни ҳам иссиқ-совуғи бор, агар иссиқ иллат бўлса, совуқ дорилардин, агар совуқ бўлса, иссиқ дорилардин қайнатиб, шунинг сувида қилмоқ керак, Шунда фойда тезроқ кўринур. Мошина қўйганда, бир қатим қўйибла тўхтатмай кети-кетидан 2—3 йўл қўйиш керак. Даствабки қўйганда, мошина қачани тўлғазмасдин илимон сувға шўрлиги билингандек қилиб, туз солиб, шунинг бирла бир қатим амал қилсун. Сувидан чиқазгандин кейинроқ оғриқни ҳолига қараб, бир қатим ё икки қатим амал қилсун. Лекин ҳар вақтда амалнинг суви илимон бўлмоқ керак. Албатта, совуқ бўлмасин. Ортиқча иссиқ ҳам бўлмасин, зиёни бор. Амалга қўшиладурғон совуқлик дорилар гулбинафша, нилуфар, арпанинг суви, сўгат(тол)нинг қайнатқон суви. Мана бу дориларнинг ҳаммасидан оз-кўп аралаштириб, қайнатиб, амалча сувини шундан қилмоқ керак. Ҳаммаси бўлмаса, бир-иккиси бўлсаму, кифоя қиласидур. Агар оғриқ бўлмай, ич бўшатиш учун амалча қилмоқ керак бўлса, атири совунни эзиб, қилса ҳам бўлур. Амалча қилганда киши 5—10 минут ичакда сақлаб туриб чиқарса, яна бу яхшироқ фойда қилур. Бўлар-бўлмасга амалча қилавериб, озорланиб қолган ҳам яхши эмас. Зарурат бўлғонда қилгани яхши. Соглиқни сақлаш қонуни бўйинча, ҳар кечакундузда бир қатим ич келмак, томоқ еб турган кишига агар мундин ўтиб кетишини билсинки, мижози бу-зилғон бўлур. Ичнинг вақтида юриб туриши, тан-соғлиқнинг аломатидур.

Фасл. Қайси иллатдан иситма қаттиқ бўлса, айниқса, тиб касалларида қизитмаларга бехабар қолмай, компресс қилиб турмоқ кўп зарурдир. Бўлибму ёз кунларида мижози иссиқ одамларда мунинг кўп фойдаси бордир. Агар компресс қилгондан сирка-уксус қилиб қилса, ҳарорати анча қайтади. Айниқса, бош устига узмай қилиб туриш керак. Кўп ўтказмай, янгилаб тез-тез алиштириб туриш керак. Агар (ошқўки) юмроқ сутни янчиб, ковани қириб аралаштириб, сирка сувини қизитиб бошга чапласа, дарҳол фойдаси кўринур. Лекин шуни ҳам устидан чупракни (латтани) хўллаб, салқин-муздек қилиб, йўтқаб-йўтқаб босиб туриш керак. Агар қизитиши қаттиқ, ўтқир қизитса, бу ҳолда катта чойшабни сувга солиб, шунга ўрамоқ керак. Ёки тол ёпирмоғини сувга солиб, шунга ўраб ётқизилмоқ керак. Кўп фойдаси бордир. Бўлибму тиб иллатларида мундин бехабар қолмаслик керак.

ФАСЛ. САРСОМ ИЛЛАТИНИНГ БАЁНИ

Сарсом деб арабчада кезик (юқимли) терламани айтур. Дўхтирлар тиб дейдур. Қора кезик, телба кезик, тўғри кезик бўлиб, уч қисмга бўлинур. Аспи чиққан, яъни баданга қизил майда нарсалар тошиб кетган кезикни дўхтирлар сипной сып дейдурлар. Бу иллат кўп қўрқинчли ҳам юқумли иллатдур. Энг қаттиги уч кундан ўтказмас. Енгил, яхшиси еттинчи куни терлаб, енгил тортуб қолур. Бу иллатга кўп эҳтиёт бўлиш даркор. Фақир бу иллатга кўп қараб, анча тажриба пайдо қилганман. Сарсом, яъни терлама кезик иллатининг ўзига хос маҳсус бир неча аломати бордур. Шу иллатлар, яъни яхши текшириб, аниқ кезиклигини билгандан кейин давосига биз кўрсатган йўл бирла киришмак керак. Бу иллатларнинг аломатлари шуки, дастлабки биринчи куниёқ иситма бирла бошлар. Бу қизитма кундин-кунга зиёда бўлур. Еттинчи кунгачалик агар енгилроғ бўлса, еттинчи кунида бир яхши тер келиб, шунинг бирла кундин-кунга енгилликка юз қўяр. Бу иллатда яхши тадбир қилинмаса ёки вақти етмасдин туриб, таом еб қўйса узилиб қолиб, 40-50 кунга чўзилиб кетадур. Тарбия қилмоқ керакким, ҳар иллатнинг узилиб қолғони, бошлаб ётқонидин оғирроқ бўлур. Кўп одамларнинг ажалига сабаб бўлур. Мундин кўп эҳтиёт қилмоқ керак. Кўпинча узилиш, дард чиқмасдин туриб, томоқ еб қўйғонликдин ёки оғирроқ томоқ еб қўйғонликдин ёки ҳаракат қилиб, ўён-буён юрганликдин бўлур. Гоҳида қаттиқ хафа бўлғондин бўлур. Кўп эҳтиёт бўлмоқ керак. Ниҳоят нозик иллатдир.

Фасл. Иссиқ кезик, совуқ кезик бордур. Ҳар икковида ҳам жовлиб ётар. Гоҳи кишида дастлабки кундаёқ пайдо бўлур. Гоҳида 2-3, гоҳиси кўп жовлир, гоҳиси озрок. Дарднинг кўп-озлигига қараб бўлур. Агар сарсом бўлган киши беҳуш ақли билан ётса, ўён-буён кўп ўзини

уринтиrmай, ортиқча кўп жовлимай усулиқни (суюқлик) сўраб кўп-кўп ичиб турса, кўнгли очик, ўзи сергак бўлса, яхшилик аломатидир. Ҳаммадин оғирроғи беҳушлик билан ётса, сувга рағбати йўқ бўлса ёки бир қошиқ-ярим қошиқ ичиб, ортиқча ичмаса, ётиши тинишсиз бўлса, бунинг устига тили оғирроқ бўлса, оёқ-кўлларини кўп йифиб-узатса мана булар оғирлик, қўрқинчлик аломатидир. Кезик сарсом иллати кўпинча, иссиқдин, қон, сафродин бўлур. Гоҳида совуқлик балғамдин бўлур. Иссиқ сафродан бўлса, аломати иситмаси қаттиқ жовлиши бор, ўзи бадхулқ, чанқоғи кўп, юз-бети тезда ориқлаб кетар. Агар иссиқ қон зиёдалиқдан бўлса, юз-кўз, тиллари қизил, томир иргиб чиққан, иситмаси қаттиқ бўлса, сафродин бўлгандек эмас. Лекин ҳар икковида ҳам лаблари ёрилиб, тиллари каз бойлаб, гоҳиси қорайиб, гоҳиси саргайиб, қуруқшаб турар. Совуқдин, балғамдин бўлғоннинг белгиси иситма бўлмас, бўлса ҳам оз бўлур. Ўзи беҳуд, карахт-ҳайронликда ётар, ташналиқ бўлмас, агар ҳуши, тили бўлмаса умид йуқдир. Билмак керакким, кезик иллатнинг қайси турлиги бўлса ҳам сабаби шулки, миянинг пардаси шишиб, остидаги мия юмшоғини босур. Шунинг учун ақл алмашиб жовлиб турадур. Энди бунинг даволарини баён қиласиз. Бу иллатнинг ҳар қандоғи 7 кунгача кўчиб турадур. Агар 7-куни Худонинг амри билан дард енгилса, 8-кундан бошлаб енгиллик бўлур. Агар шу кунда дард енгса, кундан-кунга пастлаб кетар. Шу учун ҳукамолар бу кунни кураш куни деб айтурлар. 7-куни терламаса, ул вақт 9-11-13-15-17-19-21-27 кунгачалик ҳаммаси тоқ кунларда бўлур, Лекин 17-кундин ўткандан кейингиси хатарлидур. Бу иллат нозиклигидан сўзни узатиб ёздим, яна кўнгилда кўп сўз қолди. Вақт торлигидан ёзолмадим. Энди бу иллатнинг тадбирларини айтайлик. Агар иссиқ кезик бўлса, биринчи кундан бошлаб юқорида айтилган совуқ дориларни қайнатиб, шунинг сувида амалча қилсун. Ҳар қилганда 2-3 қайта қилсун. Мумкин бўлса, ҳар кун қилсун. Бўлмаса касалнинг ҳолига қараб, кун оралаб қилиб турсун. Иложи бўлса, ҳар кунда қилғони яхши. Амалча билан ичи келгандан кейин усулликка (суюқликка арпа суви) кашкоб берсун. Арпа кашкоб баёни шулки, 2-3 қадоқ арпани (туйиб) туклаб, оқлаб тайёр қилиб олсун. Шу арпадин бир ош қошиғини ўлчаб, совуқ сувда ювиб, сирли (малирований) идишга солиб, устига сув қошиқда 30 қошиқ сув қўйсун. Демак, бир ҳисса арпага 30 ҳисса сув қўймак керакдур. Тоза булоқ суви бўлсун. Шуни мулойим ўт бирла тенг ярми кет-гунчалик қайнатсун. Тенг ярмига келганда, шу сувни тиндириб, бошқа идишга олиб қўйсин. Мана шу сувдан ҳар қанча ичса қеча-кундуз демай бераверсин. Оз ичса ҳам, кўп ичса ҳам шундан ичсин. Агар буни кўп кўтартмай қолса, мундин ҳар кунда 2-3 вақт, оз бўлса 2-3 коса, бўлмаса 3 пиёла ичсан. Бу кашкобда кўп фойда бордур. Ёзib ўтиrsa сўз узайиб кетар. Қолган вақтларда тамрихинди, қора ўриқ, олча, ўриқ, таранжабин — шуларни шарбат қилиб бераверсун. Тамрихинди билан таранжабин суви ҳам кўп фойда қилур ва ҳам ичишлиқ бўлур. Тамрихинди бир сар бўлганда, таранжабин 2-3 саргача бўлсун. Бу шарбат ични ҳам мулойим қилиб турар. Ичи қабзият бўлиб кўп келмаса, бу шарбатга 3 мис-қол тоза санои макка қўшсун. Кўп мулойим сургу бўлур. Аммо бирданига қаттиқ сургу қилса, кўп яхши бўлмас. Бошига латтани ҳўллаб, агар иситмаси қаттиқроқ бўлса, музлик сувга солиб, салқин қилиб бошга ёпиб турмоқ керак. Тамом баданини компресс қилиб, катта чойшабни совуқ сувга солиб ўраса, яна яхши бўлур, Иситманинг оз-кўпига қараб қилгай. Агар тамрихиндига ўхшаш нарсалардан йўтал пайдо бўлса, бу ҳолда тамрихиндига чилон қўшсун. Ёки кашкоб сувига қаноат қилсун. Бу иллатга ҳукамолар гулбинафша кўп фойдали дебдурлар. Мен ўзим тажриба қилиб кўрдум, фойдали экан. Бир мисқолчасини бир чойнакка солиб, чойга ўхшатиб дамлаб ичсан. Гулбинафшани қайнатмай, қайноқ сувга дамлаб кўйиб ичсан. Шу бинафша сувига озроқ 3-4 томчи анисиви сувидан томизиб қўйсун. Иншооллоҳ раббил оламин, биз дегандек қилиб турса, бу иллатга Худо таоло осонлик билан шифо берур. Алҳамдулиллоҳ, шу тартиб бирла кўп мусулмонларнинг шифосига сабаб бўлдим. Менинг қўлимда бу иллатдин кам зое бўлди, балки бўлмади десам ҳам бўлур. Лекин дўхтирлар қўлида бойлардин кўп зое бўлди. Улар ҳар бир илмни шапкаси борлардин кутарлар. Шунга қараб, Худои таоло ўз суйғанларини қўлида ҳалок қилур. Ўз мусулмонларининг қўлида шифо топқандин булар кўлида ҳалок бўлганни ортиқ кўрсалар

керак. Буларда диёнат ҳисси буён турсин, миллат ҳислариму йўқдур. Шунинг учун кундан-кун харобликдамиз. Агар бу сўздин достон бошласак, бошқа бир китоб ёзишимиз керак. Хайр, бу сўз қолсун. Агар тер келиб ёки тер ўрнида бошқа сабаб бўлиб, иллат ёниб касал енгиллаб, иситма совуса, жовлиш тўхтаса, кўнгли очилиб томоқ талаб қилса, уйқу ҳам оз-кўп пайдо бўлса, ич пишиш, юрак ториқиши тўхтаб қолса, дард чиққондин аломатлари очик билинса, мана шу вақтда томоқقا киргизиш керакдур. Дастребда томоқ беришда жўжа товуқдин шўрва қилиб берсун. Чақирмаган жўжа бўлса яхшироқ. Макиён-хўрозга ўхшаш, лекин семиз бўлиши керак. Шўрва қилиш тартиби шуки, бир жўжани учдан бирини солиб, 6-7 дона қора ўрик солиб қайнатиб, яхши пишурсин. Ёнгоқчалик хамиртурушни докага тутуб сувда эзид, тилпини докада қолдириб, сутини шўрвага қўшуб қайнатсун. Бир ичишлик хушхўргизо бўлур. Ҳам енгил бўлур. Шундоқ қилиб, бир неча кунлар енгилроқ томоқ еб туриб, ғизонинг оғир-енгил сингишини пайқаб туриб, бошқа гизоларга киришмак керак. Яна бу иллатга ўзим ишлаттган, кўп фойдасини кўрган дорилардан бири исканжабил риванчий деган шарбат доридур. Бу дорини қилиш осон, ҳам ўзи кўп фойдали бўлғонлиги учун бу ўринда ёзид қўйдим. Ҳар қандоқ безгак-иситмаларга ҳам кўп фойда қилур. Шарбатни ясаш тартиби будир. Бир қошиқ яхши ўткир узум сиркасини бир сар риванчий, агар мусулмон сиркаси топилмаса, ўрис сиркаси ҳам бўлса керак. Аввал риванчинни янчиди, дока халтага солиб, бир-икки коса сувда тамом кучи чиққунчалик қайнатсун. Риванчни эзиди, янчиди, ҳеч таъми қолмагандан кейин, тилпини олиб ташлаб, шунинг сувига сиркани қўйсун. Агар ўрис сиркаси бўлса, тенгшаб қўйсун. Шакарни солиб, мулойим қайнатиб бир шишага олиб қўйсун. Агар кўп ўткир бўлса, ўзидан ўткир қайноқ сув қўшиб бир қошиқдан ичсун. Кўп фойдали нарсадур. Ҳар қанча сиркаси ўткир бўлса, риванч тоза бўлса, шарбати шунча қувватли бўлур. Бир кунда З вақт устидин қиладургон даволардан бириши шулки, беморни сувяб ўртурғизиб қўйсун, агар ўсиқроқ бўлса, ётқизиб туриб, ўткир устара билан уста киши билдириласдан, малол келтириласдан бош тепасидин олақандек жойининг сочини туширсин. Бош чўрасига қон оқиб кетмагидек қилиб, латга ўраб қўйсун. Андан кейин бир жўжа товуқ ёки кабутарни олиб келиб бир киши тутиб берсун. Яна бир киши ўткир пичоқ билан беморнинг бош устига бўғизласин. Иссик қонини мия устига оқизсин. Қони тўхтар-тўхтамас, жони чиқишига қарамасдан қорнини ёриб, иссиқ бўйича қорнини ёпсин. Беморни аста ётқизиб қўйсун. Бу нарса бир соатгачалик мия устида турсун. Сўнгра олиб ташлаб, иссиқ-илиқ сув билан покиза ювиб ташласин. Ювмай қўймасин. Мана бу амалда ўзим қилиб қўриб, фойдасини билдим. Ҳуши йўқ ётганларга сабаб бўлиб ҳуш кирди. Буни ҳам ҳожат ўтса, эскириш керак. Яна бу иллатда по-шўя кўп фойдалидур. Пошўя қилишнинг таъсири шулки, юқорида безгак баёнида айтилган совуклик дорилардин қайнатиб, сувини сузиб олиб, таҳорат сувидек қилиб, беморни каравотдек жойга ўтиргизиб, пошўя сувини чуқурроқ идишига қўйиб, икки оёғини шу сувга ботирсан. Тиззасигачалик бир одам кучли қўл билан тинмай сув ичиди беморнинг оёғини тиззасидан тубанга қараб сидириб эзғилаб уқалаб берсун. Сув совугунчалик, агар беморни-нг кўнгли очик турса, юраги кола бошласа тўхтатсан. Мана бу тариқа пошўя қилмоқ ҳар турли иситмаларга, бош оғриқларга кўп фойдалидур. Тажриба қилиб фойдасини кўп кўрдим. Қизитма бош оғриқларга икки-уч бор қилгандаек фойдаси очик кўринур. Лекин bemornga малол келтиримай қилиш керак.

ФАСЛ. ЗОТИЛЖАМНИНГ БАЁНИ

Туркийда қогун, қиргизлар қобирғадан сесканган қон тукурган санчиқ дейдур. Рус дўхтирлари воспаление дейдурлар, Туркистон вилоятларида кўпроқ бўладурғон иллатларнинг бирори шулдир. Бу иллат ҳам кўп оғир, хатарли, қўрқинчли иллатдур. Алҳамдулиллоҳ, бу факир оқиз бандасига Худои таоло бу даҳшатли иллат тўғрисида кўп яхши тажриба бергандур. Бу дардга мубтало бўлган одамларни вақти ўтмаган бўлиб, бошқа киши аралашмай, ўзим қараган бўлсан, агар ажал етмаган бўлса, иншооллоҳ, бир киши зое бўлмас десам, ёлгончи

бўлмасман, Худо ёлғончи қилмас. Энди бу ўринда тажрибаларимни баён қиласман. Бу иллат ҳам кўпроқ иссиқ сафродин ва ҳам қондин пайдо бўладур. Бу иллатнинг беш нишон аломати бор. Биринчиси, йўтал, иккинчиси, қовурға тагида санчик, учинчиси, иситма, туртингчиси, нафас танглиги. Агар нафасни қаттикроқ тортса, биқуни саншиб, нафас олғизмайдур. Бешинчиси, томирнинг юқорига ўрлаб илдам солиши. Сафродин бўлса, юз-кўз, тилларнинг сариқ бўлиши, қондин бўлғонда буларнинг қизиллигидир. Энди бу иллатнинг тадбири шулки, дастлабда орқаларига 7-8 жойга ўт билан бонка қўйсун. Нақ санчик бор жойга бонка қуйганда шу жойдан чекиб, икки-уч қошиқ қон олсун. Бонкани 2-3 қайтариб, шу уринга солсун. Бундин кейин узун докани иссиқ сувда чилаб, иссиқ бўйинча ўраб, пахта қуйиб боғлаб қўйсун. Бир кеча-кундузда 3-4 қатим янгилаб, йўткаб (алмаштириб) турсин. Лекин сувни қайноқ қилиб, эт куймагундек қилиб урасун. Совуб қолмасун. Иккинчи тажриба шулки, дарҳол амалча қилсин. Чорак қадоқ ўрикни қайнатиб, шунинг суви билан амалча қилсан. Бу иллат ҳам 7 кунгачалик кучаб турадур. Ҳар кунда амалча қилиб, гоҳида гулбинафша нилуфар сувидан қилсан. Ичишига бўлса, арпа кашкобга чилон солиб қайнатиб, шунинг сувидин берсун. Яна гулбинафша, нилуфар, қизилмия илдизи — бу учковини дамлаб, сувидин бериб турсин. Зинҳор тамрихиндига ўхшаш аччиқ нарсаларни бермасун. Йўтал кўпайиб кетар. Агар испағулни қайноқ сувда чилаб қўйиб, шунинг қаймоқ ширасини чиқазиб, яна оқ гулхайрини ёки бунинг илдизи ни қайнатиб, шулардин эзиб, ширасини чиқазиб, дори сувларига қўшиб ичса яхшироқ бўлур. Бу сувлар мадда иллатни пиширади, беморнинг ичишига сут берсин. Сут беришнинг тартибини охирида ёздим. Шунга қара. Йўталгандан бўшлик билан қон аралаш (бал-ам) хапрукларни осон чиқазур. То иллат моддаси бўлған шу нарсалар чиқиб, адо топмагунчалик бемор ором топмайдур. 7 кундин утгандии бошлаб, кўпинча бу оғриқ терлаб, баъзиси терламаёқ иситма санчик йўталлари пасанча тортиб, енгиллай бошлайдур. Буни ҳам томоққа дастлаб кирганда кезикка ухшаш енгил томоқлардин бошлаб эҳтиёт билан ғизога киргизмак керак. Оғзи кезик иллатида, зотилжам иллатида беморнинг оғзи бус (ҳидланиб) бўлиб кетар. Бунинг иси димоққа уриб янаму жовлишини кўпайтирур. Шунинг учун оғзини тез-тезда чайқаб турмоқ зарур. Ҳаммадин яхши аптекада борний кислота деган оқ арzon дори бор. Шуни қайноқ сувга солиб, шу билан чайқасун. Бу куп зарур ишдур. Бу иллатнинг гоҳи бириси кўп оғир бўлиб, нафас олдирмай, ётол-май, агар ётса нафаси қисиб, энтикиб, санчиғи кучаб кетадур. Мана бу вақтда кўп кўрқинчли бўладур. Энди қандоқ тадбир қилмоқ керак.

Бунинг тадбири шулки, зигир, арпа уни, гулбинафша, ошқовоқ уруғи, бор бўлса оқ лайли гул, зифир билан қовоқ уруғини хўп майда янчиб, озроқ буғдой кепаги қўтдиб, ҳаммасини сувда яхши қайнатиб, қуюқ аталадек булганда санчик бор тарафга етгудек чупрак устига малҳамдек қалинроқ яйратиб солиб, шуни санчик устига иссиқ бўйича тортиб, пахта қуйиб боғлаб қўйсин. Бир кеча-кундузда уч қатим йўткаб, иссиқ-иссиқ боғлаб турсун. Биринчи қилгандаёқ фойдаси маълум булур. Тажрибадин ўтган ишдур. Агар бу иллат 40 кунгачалик тозаланиб яхши бўлиб кетолмаса, сил касалига айланниб кетар. Кўкраги ғиж-ғиж бўлиб, нафаси қисиб, юрак солиб туриши йўтал тўхтамаслик, силга айланганлик аломатидир. Сил касалдин тузалмак куп мушкулдур. Юқоридаги дори сувларини ичилганда, анисивидан томизиб хушбўй қилиб берсун. Фойдаси бордур. Билмак керакки, гоҳида ёлғон зотилжам бўлур. Бунинг аломати иситмасиз йўтулишлар бўлмас. Ёлғиз қовурға остида санчик бўлур. Бунинг иложи шуки, буғдой кепагини докага тугиб, қайноқ сувга солиб, чала сиқиб ташлаб шуни санчик бор жойга иссиқ-иссиқ боғлаб қўйсин. Иншооллоҳ, шифо топгай. Лекин чин зотилжамда ел тўхтаб қолди деб, тузкепак қовуриб босиб, кесакни қизитиб босиб қўйса, дард кучайиб кетар. Кўп зарар қиладур. Шунга эҳтиёт бўлмоқ керак. Бу кейинги тажрибаларимизда зотилжам иллатига сутни кўп фойда қилғонлигини кўрдим. Қарасам, дўхтиrlар ҳам бу иллатга сут беришар экан. Лекин ҳар кунда уч вақт бермак керак. Иложи бўлса, янги соғдириб, пишириб, иситма жуда қаттиқ бўлмаса яrim сут, яrim қайноқ сув қўшиб, иситма қаттиқ бўлса, икки ҳисса қайноқ сув қўшиб бир ҳисса сут берсин.

ФАСЛ. ИСТИСҚОНИНГ БАЁНИ

Шишиқ иллатини рус дўхтирлари водиянка деб айтурлар. Бу ллатнинг сабаби, юрак, ўпкада қон томирларининг баъзиси тўсилиб, қон яхши юролмай, қонга сариқ сув қўшилиб баданга тарқаб ингмай, шишиқ пайдо бўлур. Бу иллат ҳам уч қисмдир. Биринчиси, арабча лахми дейдур. Бошдин-оёқ губтак бўлиб, шишиб кетар, айниқса оёклари ортиқчароқ шишар. Бу шишикларга қўл босса хамирга босгандек, чуқур бўлиб қолур. Чуқурлиги дарровда текисланмас, мана бу қисми осонроқ, енгилроқ қисмидир. Фақир бу оғриққа йигирма беш йил ичида кўп тажрибалар ўтказдим. Бир неча одамлар биз дегандек парҳез тутиб, соғайиб кетдилар. Гоҳ бирлари биз кўрсатган йўлда туролмасдин шу дард билан ўлиб кетди. Буму хатарли, қўрқинчли иллатдан деб саналур. Ҳар шифонинг боши парҳез тутмоқдир. Парҳезни яхши тутса, ҳар қандоқ даво қилган ҳаким бўлса ҳам дардан холис қилур. Парҳез қилмаган бемор, ҳукамонинг сўзини олмағон касал ўз жонига ўзи душмандур. Шуни яхши билмак керакки, энди яхши қулоқ солиб, зехи қўйиб туринг. Бу иллатнинг илож даволарини, парҳезларини баён қилиб ўтай. Даствада сувдин парҳез қилсун. Сувни ичиш у ёқда турсин, сувга қараш ҳам зиён қиладур. Сабабки, бу шишида сув бордур. Сув сувни тортадур. Иккинчи, физосига хамир томоқ емасун. Буғдој жинсидан бўлғон ҳамма физо зарап қиладур. Яна еган физосини ўлчаб, соғ вақтида еядурғон физонинг олти ҳиссасидин бирини еб, шунга қаноат қилсун. Ҳар қанча бу иллатда томоқ оз еса, балки рўза тутса шунча яхшидур. Озроқ бўлқадин қилғон сухари бўлса, шунда ҳам озроқ еса руҳсат. Бундай бўлмай, аралаш еб кетса физо бўлмасдин дард бўладур. Кундин-кунга шиш зиеда бўлиб, охири ҳалок қиладур. Энди оз еса, ҳам нима есун, қараймиз, агар иситмаси бўлмаса, ҳар кунда қўй гўштидан кабоб қилиб бсрсун. Тузини озроқ солсун. Гоҳида озроқ гўшт солиб долчин, мурч, арпа бодиён, зира, шу дориларни янчиб татиғи яхши чиққудек қилиб, солиб узун қайнатиб бир сирконча (пиёла) қолғонда шуни берсун. Гўштини иштаҳа қилса, есун. Чой ўрнида арпабодиён, қаламнирмунчоқ — бу икковидан солиб узун дамлаб қўйиб, қувватини чиқазиб, шундин ичиб турсин. Гоҳида яхши тоза чой бўлса, бир пиёла-ярим пиёла ичиб қўйса, зарари йўқдир. Кўк кишиши, ўрик мағзини нон ўрнига оз-кўп еб, шунга қаноат қилса, кўп яхши иш қилиб, ун томоқни емай, бошқа томоқ\ардин ҳам оз еб турса, кўп яхши. Бу дарднинг давоси кўп терлатиш, кўп пешоб қилдириш билан бўладур. Иложи бўлса дунгоннинг конига ўхшаш кон қилиб, (ёки сандал) шуни қиздириб, шунда ётиб терласун. Икки дона сув кўрмаган пишиқ фишти ўтга солиб, тоза қизитиб, куймагудек бўлганда латтага ўраб, шишиқ жойларга совугунча босиб ётсун. Иложи бўлса бир нечани тайёрлаб қўйиб, бири совуса бирини қўйиб, ҳар кечаси тонг отгунчалик шундоқ қилсун. Шунинг фойдаси кўпдур. Зерикмай қилсун. Ўзим қилиб фойдасини кўрган ишлардур. Яна бир иложи тандирни хўб қизитиб, устини супириб ташлаб, ичига киши ўлтургудек ўриндуқ қўйсун. Ҳар қанчаки киши чидаб бемалол ўтиргудек бўлганда беморни утириғи-зид қўйсун. Боши тандирдан чиқиб турсун. Агар ташна бўлса дол-чиндан ичсун. Лекин икки одам эҳтиёти шарти бемор устида ҳозир турмоқ керак. Мабодо юраги чидамай, кўнгли кетгудек бўлса, дарҳол чиқазсун. Агар чидаб тургудек бўлса, обдан терлагунчалик турсун. Қанча чидаса, шунча турсун. Тоза терлаб бўлгандан кей-ин, ҳеч шамолга теккизмай ўраб-чирмаб ўрнига ётқизиб қўйсун. Бу ишни тажриба қилиб кўп фойдасини кўрдим. Яна бир иложи — темирни темирчилар қиздиргандек қилиб, хўб қиздириб, ярим чеълак покиза сувга доғлаб, сўндиригин. Шундоқ олти қатим қилсун. Кумушни қиздириб беш қатим шундоқ қилсун. Агар топса олтин, тўрт қатим шундоқ қилсун. Мана шу сувдин қайнатиб, майли, чой дамлаб ичсун. Майли, дори чой қилиб, нақ ўзини ичсун, фойдали. Бу иллатга ичидин ичадурғон дорилар ҳаммасидин фойдалироқ. Дориси — риванч шарбатидир. Шарбат сифати будир. Ўн мисқолча арпабодиённи янчиб, дока халтага солиб хўп қайнатсун. Тоза татиғи чиққанда сиқиб ташлаб мусаффо сувига бир сар тоза хитой риванчини янчиб, халтага солиб, шу сув билан татиғи

чиққунчалик қайнатсун. Сувини шунга ярим қадоқча новвот қўшиб, яна озроқ қайнатиб олсун. Мана риванч шарбати шудур. Сув миқдори уч коса бўлиб, шарбат тўлиқ бир косача қолса бўладур. Мана шундин кунда уч вақт ҳар ичганда икки қошиқдин ичсун. Бу ҳам фойдали. Бундин фойдали нарсани кўрмадим. Ёлғиз бод иллатга эмас, ҳар қандоқ совуқдин бўлғон безгакларга, юрак ўйноқларга, курсоқ оғриқларга, ичбуруғларга кўп фойдали шарбатдур. Бу иллатга ҳўл меваларнинг ҳаммаси зиён қиладур. Аммо анорнинг totлиги, гоҳи аччиғи кўп фойда қиладур. Агар бу иллатга мубтало бўлғон киши анор қўп шаҳарда, бошқа ҳеч ғизо емай ёки озроқ еб, бир неча кунгачалик ҳар кунда тўйгунича анордин еб турса, соғайишига (шишиқ қолмаса ҳам) шак қилмаса ҳам бўлур. Бу иллат учун анорда шунча хосият бор. Яна бу иллатга сафар қилмоқ (айниқса иссиқ ҳаволи қуруқ мижозли вилоятларга) кўп нафи бордур. Ёз кунларининг саратон иссиқларида иссиқ кунда ўлтириб, қалин ёпиниб ётиб терлашму кўп фойла берур.

Фасл. Энди бу тдишга устидин сурадурғон нарсаларни баён қиласман. Биз кўп нарсаларни қилиб кўрдик. Ушбу нарсаларни фойдали топдик. Биринчи, спирт (ароқ)ни ҳар кунда икки вақт тамом шишикларга суртсун. Аптекада, ароқ сотган дўконларда ҳар вақт топилур. Тоза спиртнинг аломати шулки, бир нарсага озроқ қуиб, устига гугурт ёндириса кўлмак бўлиб куяр, тозаси шул. Бундин шишик ёнгунчалик (қайтгунчалик) зерикмай суртсун. Ҳар ҳаром нарсани ҳукамолар даволик учун буюрсалар ҳалол бўладур. Шариат ҳам буюрадур. Бир иложи икки-уч йиллик қорачирик бўлиб кетган қўйнинг қийини икки ҳисса олиб, туздин бир ҳисса қўшиб, иккаласини майда янчиб топилса узум сиркаси, топилмаса, иссиқ сувда юфуруб лой қилиб, шишикларга чапласун. Устидин ўраб боғлаб қўйсун. Бир кеча-кундузда бир янгишлаб чапласун. Беш-ўн қатим чапласун. Куп фойдалидур. Яна бир иложи, агар иситмаси йўқ бўлса, эски қазининг ёғига тузини кўпроқ қўшиб, майда қилиб, хўб аралаштириб суртса, буму фойда қилур. Агар иситма бўлса ёг зиён қилур. Ёғ иситмага хоҳ ичиндан, хоҳ ташиндан бўлса зиён қилур. Шунинг учун иситма-безгак одамлар ёғли таом еб қўйса, дарҳол иситмаси зиёда бўлур. Безгаклар ичиди З кунда бир тутар бўлса, бунга шўрвага ўхшаш ёғли таомлар кўп зиён қилмас. Юқорида безгак баёнида бу сўзлар ёзилди. Хотирада сақлаш керак. Яна бир иложи, бу иллат учун арошон (маъдан, иссиқ булоқ) сувлари ҳам кўп фойда қилур. Яна бир иложи, тuya сути ичмак кўп фойда қилур. Лекин ичиш тартибини билмак керак. Тартиби шулки, бошлаб ичганда ярим қадоқдин бошласун. Туя бемор олдида соғилсун, Иссиғи кетмасдан туриб ичсун. Йироқ ердин соғиб олиб келиб, сутини совутиб қўйиб ичганнинг ҳеч фойдаси йўқ. Шундоғ қилиб кунда сутни озроқдин орттириб бориб, кунда икки қадоқ-уч қадоққача ичадурғон бўлсун. Лекин сингиб туриши шартдир. Кўтаришига қараб ичмак керак. Агар сингиб борса, бошқа ғизо аралаштиrmай, ёлғиз ўзига қаноат қилсун. Агар тuya сийдигини сутига қўшиб ичса, яна яхши бўлур. Лқалли, 40 кунгачалик ичсун. Агар кўп яхши сингмай, меъдаси заиф бўлса, кунда икки ёнғоқ миқдори офтоби гулқанд еб турсун. Бу иллат аслида жигарнинг мижози бузилиб қуввати кам бўлғондин бўлур. Шунинг учун жигарга қувват берадурғон дориларни қилмоқ керак. Риванч бу иллатга маҳсус дориларданур. Косанин қуврайнинг ўзи, уруғи, илдизи ҳар қандоқ қилиб ичса ҳам бу иллатга кўп фойдалидур. Косанин деб талхани айтур. Қирғизлар чачратқу дейдурлар. Иссиқдин бўлган безгакка, сариқ касалига ҳам наф қилур. Қайнатиб ичмак керак. Яна бир иложи, қум арошонга тушса фойдалидур. Ёз чилласида тушган қум арошон мундин бошқа Ҳар қисми совуқ-елдин бўлғон бел оғриқ, тиз оғриқ, қўл-оёқ, бўғимлар оғриғига кўп фойда қилур. Лекин ани оз деганда бир ҳафта тутмак керак. Бу иллатга ўзимнинг тажриба қилган ишларимни бу ўринда тамом ёздим. Биз дегандек қилган киши фойдасини кўрар, иншооллоҳ.

ФАСЛ. ХАФАҚОН ИЛЛАТИНИНГ БАЁНИ

Хафақон деб юрак үйногни айтур. Бу иллат юракнинг мижози бузилғондин бўлур. Юрак бўлса қоннинг машинаси. Бугун таннинг подшосидур. Юрак иллатига куп эҳтиёт бўлмоқ керак. Шу хусусдин уриш кўпинча бу иллатдин пайдо бўлур. Бу иллатнинг аломати шулки, юраги үйнаб-солиб турур. Юраги солган сайин, мадори озайиб, қуввати кам бўлур. Агар бу иллатга тезроқ дори қилмасдин узоқиб кетса, иложи мушкул бўлур. Бу иллат қучаб кетса, кўнгли кетиб, хүшини билмай ётиб қоладургон бўлади. Бу иллат неча турли сабаблардин пайдо бўлур. Ҳаммасини бу ўринга сиғдиргани бўлмас. Шундоқ бўлса ҳам бир нечаларига наф қиладурғон дориларни ёзамиз. Буни билмак керак.

Юрак қандай солса томир шундай солур. Бу иллат ҳам иссиқдин, совуқдин, хафалиқдин кўрқиш учун қонсизликдин, мундин бошқа бир неча сабаблардин пайдо бўлур. Иссиқ бўлса алломати шулки, оғзи, тил, томоқлари қуруқшаб турар. Ҳаво иссиғида иссиқ жойларда ўлтиrsa зиёда бўлур. Иссиқлик, кучли шириналлик таом еса, юрак солиши кўпайиб қолур. Бунинг иложиси шулки, иссиқ-кучли таомлардин парҳез қилиб, совуқлик гизолардин емак керак. Мевалардин олма, анор, лимон, пўрсаҳол кўп фойдалиқдур. Бошқага ҳожат бўлмас. Яна бир иложи, аптекада валерианний капли деган сув дори бор. Мазкур шундин бир қошиқ қайноқ сувга 15 қатра томизиб, ҳар кунда 3 қошиқдин ичсун. Ошқошиқ бирла. Бу дори тутқоқлик толма иллатларига, кўнгил кетиб ётиб қолиш касалларига, бош айланиш иллатига, иссиқдин бўлган бош оғриқларга ҳам кўп фойдали. Ҳар вақт аптекада топилур. Арzon баҳо бирла сотилур. Инсоф ўзингда, чўнг кишиларга 20-30 қатрагачалик берса бўлур. Агар касалга бермоқ бўлса, қошиқда ўлчаб бутилкага қайноқ сув қуиб, неча қошиқ бўлса шунга қараб, доридин томизиб, тайёрлаб бергай. Яна бир иложи чўписандал ўн мисқол, қизилгул ўн мисқол, агар ёз кунлари бўлса, олма, беҳи мевалари топилса, олмадин икки қадоқ, беҳидин бир қадоқ, гоҳи озроқ топилишича. Даствлабда чўписандални майдо-майдо ёриб, хавончада янчиб, дока халтага солсин. Қизилгулни ҳам бир халтага солсун. Покиза идишга тўрт коса сув қуиб, мулойим ўт билан бир коса қолгунчалик қайнатсан. Халталардаги дориларни эзиб сиқиб, сувини сузуб олсин. Олма, беҳиларни ҳам тўғраб, тўрт коса сувга солиб икки коса қолгунчалик қайнатсан. Қолған икки коса сувни сиқиб сузуб олсан. Икки қайнатган сувни бир-бирига қўшиб, бўлса чорак қадоқ офтоби гулқандни дока халтага солиб, ушбу дори сувларга солиб, бир озроқ қайнатсан. Кейин халтани мижиб эзиб, гулқанднинг мазасини қолдирмай чиқазсан. Агар гулқанд йўқ бўлса, шакар ҳам булур. Хитой шакари яхшироқ бўлур. Хитой шакарини хитойчада битонг дейдур, Қорашакарни хитонг дейдур. Хитой дорихоналарида ҳар вақт топилур, Мана шу дори сувларни бир озроқ қайнатиб олиб, шарбат сандал деб айтадур. Ана шу шарбатдин бир қисм юрак үйноқ учун ҳар ичганда икки ош қошиқдин кунда 3 вақт ичгай. Физосига агар иссиқ мижоз бўлса, жўжа товуқ шўрвасига мosh солиб, (юмғоқ сут) ош кўқидан кўпроқ қўшиб ичсан. Шўрва гурунчга ош кўки (юмғоқ сут) қўшиб ичса ҳам бўлур. Ишқилиб ҳар қандоқ физосига юмғоқ сут ичмак керак. Юмғоқ сутнинг ўзидин уруги яхшироқдир. Урутини янчиб, физога қўшиб қайнатсан. Яна бир иложи, риванчдин олиб янчиб, элакдин ўтказиб озроғини сув бирла малҳамдек қилиб, икки шапалоқдек латта устига яйратиб, икки долининг орасига ёпишириб қўйсан. Ҳар қачон агар латта қуриб қолса, риванчни қайнатиб олған сувидин намлаб турсин. Дорининг таъсири орқа тарафдин юракка ўтиб, кўп яхши фойда бергай. Яна бир иложи, тоза риванчни бир сар оқ сандални янчиб, халтага солиб, агар хапақон юрак үйноқ совуқдин бўлса, бунинг иложи шулки, риванчни хом ипак, бўзбуға, сумбул, қалампир, занжабил, пилпилдороз — ҳар қайсиси тўрт мисқолдин, агар топилса, қаҳрабо марварид оз-кўп қушсан. Агар юқоридаги дориларнинг ҳаммаси топилмаса, топилганича ҳам бўлур. Маъжун қилса, мазкур дориларни янчиб, элаб, тоза асалга аралаштириб олсан. Эрта-кеч ҳар еганда бир мисқолдин ейдур, Агар марварид қаҳрабо қўшилмаган бўлса, эрта-кеч бир мисқолдин чой ўрнида қайнатиб ичулсан. Совуқдин бўлган хапақонға ҳам, бошқа камқувват, камиштаҳа, меъда оғриқ,

ғизосингмас, кўнгил айнишига ўхшаш иллатларга ҳам фойда қилур. Хуллас қалом, бу иллат иссиқ бўлса, фойдалик дорилар будир. Ош кўк уруғи, говзабон гули ҳам япроги, чўписандал, қизил-гул, олма гули, беҳи гули, копур; мевалардин олма, беҳи, анор, қора ўрик, олча, нашват, нок, дилафруз. Агар совуқдин бўлса риванч, қалампир, занжабил, долчин, лочиндона, пилпилдороз, бўзбуға (бўзбуғани Олтишаҳарда айлош ҳам дейдур), жузбува. Мана бу нарсаларни хоҳи ҳаммаси, хоҳи топилганини асалга аралаштириб ёки қайнатиб истеъмол қилсин. Билмак керакки, маъжун деб ҳукамоларнинг сўзларида бир неча дориларни янчиб, элаб, асал бирла қўшиб қилғонини айтур. Асал қўшилғон дорулар 3-4 йилгача ҳам бузилмай ўз қуввати бирла турадур. Асал дориларнинг кучини сақлайдур. Асалнинг миқдори дориларга икки баравар ёки уч баравар бўлгай. Сафро мижозлик одамга асал ҳам, асал қўшган дорилар ҳам хил келмайдур. Дарҳол қорин оғриқ қилур.

ФАСЛ. ҚУРСОҚ ОҒРИҚНИНГ БАЁНИ

Энди бу иллатнинг сабабларини баён қилсак, бу китобчамизга сиғмайдур. Қисқароқ қилиб, иссиқ-совуқ дориларини ёзиб ўтамиз. Билмак керакким, қурсоқ оғриганда ғур-ғур овоз қилиб турса, оғриқ йўткалиб жилиб турса, албатта елдин бўлур. Агар йўткалмай, ғуркурамай оғриса, қарасин бирдай, тўхтамай оғридими ёки ўхтин-ўхтин тўхтаб оғрийдурму. Агар тўхтаб-тўхтаб тутқаноқдай оғриса, у ҳам елдин бўлур. Қуюқ ел бўлган сабабдин, у ён-бу ён қўзғолиб юролмас. Шунинг учун дард ҳам бир жойда турар. Елнинг ҳам суюқ-қуюғи бўлур. Суюғининг дориси осонроқ бўлур. Елдин бўлғоннинг яна бир очик аломати шулки, оғриган жойга қўл қўйиб, қаттиқ босиб турсин. Оғриқ пасанча топиб, озроқ босилса, албатта елдин бўлур. Агар босғанда илгаригидин зиёдроқ бўлса, бошқа иллатдин бўлур. Хоҳи елдин, хоҳи бошқадин бўлсин, бунинг иложи шулки, тоза сиркодин қилғон исканжабин бўлса, шундин икки ош қошиқ олиб уч қошиқ қайноқ сув қўшиб ичурсун. Ҳар қисм қорин оғриққа дарҳол фойдаси маълум бўлур. Агар риванч сувини қайноқ сув ўрнига қўшса, яна яхши бўлур. Яна бир иложи, риванч арпабодиён икковини қўшиб, қайнатиб иссиқ-иссиқ ичулсун. Ёки жувонани қайнатиб ичсин. Ёки игр, арпабодиён, қизилмия илдизи қайнатиб ичсин. Бу дорилар иссиқ-совуқ елларга баробардур. Занжабил, мурч, пилпилдороз, қалампирмунчоқ — булар ҳам совуқ елдин бўлғон қурсоқ оғриқларга наф қилур. Аптекада медний капли деган сув дори бор. Чўнг одамга бир қошиқ қайноқ сувга ўн томизиб ичсун. Қорик оғриқ, юрак оғриқ, агар ел бўлса дарҳол наф қилур. Кекириқ бирла елларни тарқатгай. Агар оғриган жой Қўл билан босгандага оғриғи зиёда бўлса, елдин бўлмасдин, бошқа бир модда борлиғидин бўлур. Энди бу модда б иссиқ модда, ёки совуқ; иссиқ бўлса, сафро бўлур. Совуқ бўлса, балғам ёки савдо бўлур. Мана шу иллатга сабаб бўлган моддалар чиқмагунчалик дардин халос топмас. Буни чиқазмоқ ёки сургу дори, ё қай дору билан булур. Энди майли иссиқ, майли совуқ бўлсун, бу сургу фойда қилур. Реванчдан уч мисқол, арпабодиён икки мисқол, қизил гул бир мисқол, қизил мия илдизи уч мисқол, сано олти мисқол — ҳаммасини қўшиб қайнатиб, бир коса қолганда илимон қилиб ичсун. Бу сургу елдин бўлғонларга ҳам фойда қилур. Агар совуқдин бўлса ҳабтанакор бермоқ керак.

ҲАБТАНАКОРНИ ЯСАШНИНГ БАЁНИ

16 мисқол сабр-сакутари, 12 мисқол қора мурч, танакор 2 мисқол, бангидевона уруғи 2,5 мисқол, бунинг ўрнига 6 мисқол жувона солса ҳам бўлур. Сабрдин бошқасини хавончада хўп мулоийиб янчиб, кейин сабрни янчиб, ҳаммасини бир қўшиб, агар ёз кунлари бўлиб, арпабодиён кўки топилса, янчиб-сувини сиқиб, шу сувдин қўйиб, дорини хамирдек (илаб) югуриб, мурчнинг донасидек қилиб ҳаб боғласун ва шишада сақласун. Мана бу ҳабни ҳабтанакори деб айтур. Бу ҳабнинг мижози иссиқдур. Лекин бу ҳабнинг дорилари оз, қилиш осон. Нафи кўпдур. Ҳар

қандоқ меъда оғриқ агар елдин бўлса, бу ҳабдан саккиз донадин ўн беш донагачалик ютсун. Устидан 2-3 пиёла қайноқ сув ичсун. Албатта, фойдасини кўргай. Елдин бўлган кўкрак оғриқларига ҳам кўп наф қилур. Яна узи зиёnsиз, қорин оғритмасдин бир-икки йўл мулойим амал қилиб, ични бўшатур. Таом сингмасдин озроқ ғизо есаёқ қорни кўпиб, таомга иштаҳаси йўқ кишилар учун ниҳоят топилмас даводир, Гоҳи одамларнинг меъда-ошқозонлари бузулиб таом еса, меъдаси оғриб қусмагунча оғриғи тўхтамай, гоҳиси егани яхши сингмай, сассиқ кекириб қолур. Мана шундоқ одамлар ҳам таом устидин 5 дона бу ҳабдин еб юрса, бу иллатлардин қутулиб, меъдалари қувватли бўйлур. Яна иштаҳалари очилур. Хулоса — ҳар хил меъда илатларга нафи зоҳирдур. Ўзим тажриба қилиб фойдасини кўрдим. Бу ҳаб аъзоларининг энг биринчиси сабрдир. Шунинг яхшисини ҳамда янгисини топиб олмоқ даркор. Кучи кетмаган яхшисининг аломати шулки, ранги баргранг бўлиб, бўйи оғир, таъми тахир, буғдойдагини чайнаб тупук билан эзиб кўрса, ранги сариқ чиқади. Яна янги, кучи кетмаганлигига бир аломат шулки, ушатиб кўрса, ичи ялтираб тунуқроқ бўлиб турар. Агар кучи кетиб, эскириб қолган бўлса, ранги қизариб, қорайиб, иси бўлмай, эзиб кўрса ранги яхши чиқмай, жилоси йўқ бўлиб тургани — куч-қуввати кетиб қолгани, дори учун ярамайди. Балки зиён қилур. Шу сабабдин, мумкин қадар дорини аптекадан олмоқ керак. Сабабки, дўхтиrlар эски дори сақламайдур. Сабр ҳам ҳар вақтларда аптекада топилур. Сабрни русчада собур ёки нашабур дейдур. Рус дўхтиrlари ҳам кўп эътибор кўрурлар. Қозоқ, қирғизлар азизбой деюорлар. Агар сафродин қорин оғриса бу ҳабни истеъмол қилғай. Сабр 16 мисқол, сано 8 мисқол, сариқ халила 6 мисқол, қизил гул шу йилги 4 мисқол, санони янчиб, ундеқ қилгандан сўнгра 8 мисқол бўлсун. Сариқ халила ҳам қизил гул тайёр бўлганда вазнлари шундоқ бўлсун. Ҳаммасини янчиб, элақдин ўтказиб, сувда юғуруб, хамир қилиб ҳаб боғласун. Мундин ҳам 10-15 донагача қайноқ сув бирла ютсун. Устидин доғ сув ичсун. Мана бу ҳабнинг мижози совуққа яқинроқ. Иссик моддаларни, сафроларни хирож қилур. Агар меъдада сафро бўлиб, шу сабабдин қорин оғриған бўлса, шу ҳабдин ичса сафрони меъдадаи ҳайдаб оғриқни тўхтатгай. Агар дорилари келишса, иссиқ мижоз сафромижоз одамлар учун яхши сургудир. Елдин оғриған меъда оғриқларига туз билан кепак қовуриб, иссиқ бўйича тортса ё иссиқ кул тортса, ёки кепакни иссиқ сувга чилаб чалароқ сиқиб, латтага солиб bogлаб қўйса, бу нарсалар ҳам фойда қилур. Буларни ёш болаларга қилиш лойиқдур.

ФАСЛ. ЮРАК БУРУГИНИНГ БАЁНИ

Чўнг кишиларда бўлсин, хоҳи болаларда бўлсин, тўлғоқ иллати кўп бўлур. Бу иллатни арабчада заҳир деб айтур. Туркийда ич буруғи, юрак буруғи, тўлғоқ деб айтурлар. Бу иллатнинг моддаси кўтан ичак, ёғлик ичакда бўлур, Бу иллат узоқиб кетса, ҳалок қи-лур. Бепарволик қилмаслик даркор. Фақир бу иллатга бир неча дориларни тажриба қилиб, кўп фойдасини кўрганларимни ёздим. Бу иллатга энг зиёнлик нарса гўшт, ёғ. Мундин сақланмоқ керак. Физосига сут оши бермак лозим. Хоҳи гуручин, хоҳи ундин бўл-син. Дарҳол амалча қилсун ёки сургу ичсун, енгилроқ бўлса, шу билан даф бўлур. Агар мунинг билан яхши бўлмаса, иложи шулки, ярим қошиқ миқдори зигирни бошқа донадин тозалаб туриб сув бирла ютсун. Булар билан бўлмаса, бунинг маҳсус иложи шулки, районнинг уруғи, исфағул деган уруғ, баргизубнинг уруғи. Барги-зуб деб бақа ёпилмогини айтур. Исфағул бўлса дорифурушларда доимо топилур. Гултоҷихўрознинг уруғини қўшса ҳам яна яхши бўлур. Мана бу уруғларни истеъмол қилишнинг тариқаси шундоқ-ки, бир қўл чўмични ўтда қиздириб ўт устидин олиб туриб, мазкур уруғларни чўмичга солиб совуганчалик айлантириб турсун. Шу билан қовурилгандек бўлиб қолур. Лекин эҳтиёт бўлсин, қовурған-да қўйиб қолмасун. Мана шу доридин ош қошиғида бир қошиқдин ҳар кунда уч қошиқ ичгай. Бу иллатга бирма-бир доридур. Албатта, наф қилур, иншооллоҳ. Буларнинг ҳаммаси бўлмаса, бир-икки бўлса бўлур, аммо ёғ, гўштдин қаттиқ парҳез қилмоқ керак. Яна бир иложи шулки, Танғи араби, катиро, ҳар бири

икки мисқолдин, тобошир бир мисқол. Агар бу иллатда ичидин қон келса, юқоридаги уч дорини майда қилиб туққизга бўлиб, уч кун ичсун. Бу иллатга қовун-тарвузлар зиён қилур, Бу иллат сафро мижоз одамларга кун ўтиб кетгандин кўпроқ пайдо бўлур. Ичидин қон келиб, қорни тўлғаб, ҳеч нарса келмасдин қолса ҳам товуқникидек оз-оз бир нарса келур. Агар кўп тўлғаб, оз келиб ё келмай қийнаб турса, дарҳол амалча ё сургу қилмасдин илож йўқ. Агар яна нодон жоҳил табиблардек ични қотирадургон нарсаларни бериб қўйса, янаму дард кучайиб кетар. Эҳтиёт қилмоқ лозим. Аввал ични бушатиб, сўнgra тўхтатадурғон дори бермак керак. Мана бу ҳаб ҳар қисм тўлғоққа ҳам ич ўтканга шаксиз фойда қилур. Иншооллоҳ. Бир мисқол афюн, 5 мисқол кўк мовзу, 2 мисқол сами араби, мовзуни янчиб, элақдин ўтказиб, сами арабини ҳам майдалаб, афюнни бир оз сувда эзиб, қолганларига қўшиб (илаб) юуриб, қорамурч дона-сидек ҳаб қилсун. Чўнг одам бўлса 5-6 дона, ёш болаларга 1 дона бергай. Ич тўлғаб, ич ўтган иллатларига мундин ортиқ дорини кўрмадим. Узим ишлатдим. Сами араби деган дори ўрик елимига ўхшаш келган бир елим доридир. Дорилфурушларда ҳар вақт топи-лур. Табошир оқсусяк Майдасига ўхшаш қуйган суюқ, тилга ёпишиб турар. Ҳар қисм тўлғоқ ич ўтган иллатларига нафлидур. Ҳиндистондин келур.

ФАСЛ. ЙЎТАЛНИНГ БАЁНИ

Йўтал ўпка иллатидин пайдо бўлур. Кўпинча (тумов) зукомдин пайдо бўлур. Назла миядин ўпка тарафига тўкилур. Агар назла уткир бўлса, ўпкани жароҳат қилиб кетадур. Ўпка жароҳат булса, сил бўлур. Силнинг иложи кўп мушкулдур. Йўталга сиркага ўхшаш аччиқ нарсаларнинг ҳаммаси зиён қилур. Мовзу, халилага ўхшаш тилни тириштирадиган нарса, шўр нарсалар, мурч, қалампирга ўхшаш нарсалар зиён қилур. Аммо мурч баъзи вақтда совуқ йўталнинг дорилларига қўшилур. Аптекада анисикий капли деган исли дори бор. Шундин бир қошиқ қайноқ сувга 10-15 томчи томизиб ичгай. Ёш болаларга 4-5 қатра, кунда 3 қайта ичса, йўталга, диққинафас, дам сиққанга, ёш болаларнинг оғиз оғригига, болаларнинг қурсоқ сларига, безгак-иситмаларга кўп наф қилур. Яна капли досек деган қора дори бор. Бу ҳам бир неча хил йўталга фойдаси бор. Товуши бўғилиб қолганларга ҳам наф қилур. Энди ўзимизнинг ҳар хил йўталларга бориб, кўриб, кўп нафини кўрган ҳаб доримиз будур. 2 мисқол ношаста бугдойни сувда бир неча кун ивитиб қўйиб, юмшаганда сув бирла эзиб, сузиб, тилпини ташлаб, тиндириб қўйса, сув остида оқ ун чўкиб қолур. Сувни тўкиб, унни қуритиб олса, шуни ношаста деб айтур. Сами араби, катиро, бодом мағзи, кўкнор уруфи — ҳаммасининг вазни баробар, афюн яrim вазн, масалан, икки мисқолдан бўлса, афюн бир мисқол. Агар кучли бўлсин деса, афюн ҳам баробар бўлсин. Сами араби катирони майда қилиб, озроқ сувга эритиб, афюнни эзиб, аралаштириб, бошқаларини янчиб, қўшиб ҳаб қилсун. 5-6 донадин оғзига солиб шимиб тутгатгай. Бу ҳаб янги бўлган сил касалларига ҳам фойда қилур. Агар ёш болаларга бериш лозим бўлса, бир донасини қайноқ сувда эзиб, болқошиқда ичсун. Кўп ёш болаларга бермасун. Маст қилиб қўяди. Кўзларини ола-була қилса, ота-онаси қўрқиб, дори берган одамни хижолат қилур. Ҳар дорини жойига қараб бериш керак.

ФАСЛ. ДИҚҚИНАФАСНИНГ БАЁНИ

Йўтал бўлиб дам қисганни айтур. Бу иллатнинг сабаблари кўп-дур. Ҳаммасини ёзай десам, шу дафтарни ёзганимда не ҳолда эканимни, қандай жойда ўтирганимни, кўзим ёшли, кўнглим дардли, Ватандин, суюклук аҳли аёлларимдин жудолик ҳолда не мушкул кунлар кечирганимни бир Оллоҳ билур, бир ўзим билурман. Менинг бу ёзганим кемага тушганчалик, қайиққа тушгандек бир ишдур. Иншооллоҳ, фурсат топсам, кўп тушунчалик қилиб ёзиб, ўзимдин бу фоний дунёда авлодларим учун ёдгор қилсам, деган умидим бор, иншооллоҳ. Яна мақсадга келайлик. Бу йўтал бўлиб дам чиқиш, кўкрак атрофларида санчик пайдо бўлса, кўпроқ бу

иллат тумов бузилгандан пайдо бўлур. Тумовни одамлар кўзга илмас, дард қаторида кўрмаслар. Лекин ҳамма иллатларнинг бошидур. Шунинг учун ҳукамолар уммал амрож дейдурлар. Иллатларнинг онаси деган бўлур. Кўп иллатлар мундин туғилур. Энди зуком (тумов) агар бузилмай, ўтиб кетса, кўп хатарли иллатларга дафи бўлур. Терлама кезикка ўхшаш. Тумов бўлган одамларга лозим шулки, палов ош, гўшт, ёғдин ўзини сакласун. Таом ичидаги палов ошдек тумовга зиёни нарса йўқ. Ноң, чойга, ёвғон ошга қаноат қилмак керак. Ўзини, айниқса бошини совуқдин, шамолдан сақласун. Товуқ, жўжа гўштидин шўрва қилиб ичса ёки ардоб қилиб ичса, хамиртурушдин кўп муносибдур. Зуком оғирлашганда ҳаммомга тушмак, терламак кўп фойда қилур. Агар бурнидин сув келмай, боши оғир бўлиб, оғриб турса, бошидин икки-уч қумғон иссиқ сув қўйдирсун. Нафи бор-дур. Тумов бузилиб, мундин ўпка тарафларга назла тушса, диққинафас йўтал, кўкрак атрофларида санчиқ пайдо бўлур. Озроқ йўл юрса, юрак солиб, нафас танг бўлур. Яна оз-кўп иситмаси ҳам бўлур. Бунга бошқа йўтал дорилари ҳам фойда бермас. Узоқиб кетса, силга айланур. Худо сақласун. Энди мунинг иложи парисиё-вушон деган барги майдаги, сопи йилтироқ, қора-қизил, туркчада паричочи, потмачочи дейдур. Мен кўп ишлатдим, кўп нафини кўрдим. Шундин 3-4 мисқолни ўз баробарида қизилмия илдизи бирла чойнакка солиб қайнатсун. Мана шундин ҳар куни 4 вақт-5 вақт ҳар ичганда 2-3 кршиқдин ичаверсин. Мундин ортиқ дорнни бу иллаттага мен тополмадим. Тажрибали доридур. Гап шу дори гиг топилиб туришида. Агар бу дори топилмаса, бунинг ўрнига гулбинафша нилуфар солса ҳам бўлади. Агар зуком иссиқ бўлси, агар совуқ бўлиб ёки кўп йўталса ҳам ҳеч балғам кўчмай хафа қилса, мунда шарбат зупо бермак керак. Доришурушларда зупо деган чўпдори бор. Ундин 4-5 мисқол баробарида мия илдизи қўшиб қайнатиб, сувга озроқ хитойнинг оқ шакаридин қўшиб бир сарч; бўлса кифоя қилур. Ани шарбат қилиб, кунда 3 вақт, ҳар ичинда 3 қошиқдин ичгай. Бу шарбат зукомдаги ёпишган балғамларнг бўшатиб чиқаргай. Шунинг ҳам кўп нафи бордир.

ФАСЛ. МАФОСИЛНИНГ БАЁНИ

Мафосил деб бўғим оғриқларини айтур, бу иллатнинг кисқача сабаби бўғим-бўғимда сариқ сув тўхтаб, ел пайдо бўлғондин бўлур. Агар бу иллат кучайиб кетса, ўз вақтида иложини қилмаса, сариқ сувлар кўпайиб бир жойдин тешиб чиқади. Агар бу иллатнинг сабаби сариқ сув бўлмай, қуруқ ел бўлса, у чоғда сариқ сув бўлғондек тешилиб оқмаса ҳам, ел орқа бўғимларда бўлиб кучаб кетса, бўғимларни ўз ўрнидан қўзғаб чиқазиб буқри қилиб қўяр. Агар ел кучаймаса, бугимларнинг гоҳи бирларини кутариб дўмбоқ қилур. Бу иллат кўпинча қўл-оёқ бўғимларида, тизза, ёнбош, бел орқалари-да тароқ куракларида, гоҳида эт-томир сингирлар ораларида ҳам пайдо бўлур. Бу иллатни рус дўхтирлари ревматизм дейдурлар. Туркийда қуён деб айтурлар. Энди бу иллат кўпинча согуқдин, гоҳида иссиқдин бўлур. Майли, совуқ, майли, иссиқ бўлсин, модда-сиз бўлмас. Моддаси сариқ сув ёки ел бўлгай. Агар бу иллат иссиқ моддасидин пайдо бўлган бўлса, унинг аломати томирнинг илдам бўлиб туташ сўқиши, оғриган жойларни исиб кетиши, оғриқнинг қаттиқ булиши, агар моддаси сафро бўлса, оғриган жойи саргимтири бўлур. Қуруқ-иссиқдур. Агар кўкимтири бўлса, моддаси савдо бўлур. Қуруқ-иссиқ-совуқдир. Агар оғриган жойи купчиб томирла-ри кўтарилиб оқариб турса, моддаси балғам бўлур. Ҳўл-соғуқдир, гоҳи моддаси иссиқ, гоҳи совуқ бўлсин, елдин холи бўлмас. Гоҳида моддаси иссиқ ҳар иккаласи бир бўлиб, қўшимча мижоз бўлғондин бўлур. Бунинг аломати иссиқлик қилса ҳам ёқмайдур. Созуқлик қилса ҳам ёқмайдур. Томири ҳам икки оралик бўлур. Агар коддаси ёлғизла елдин бўлса, бунинг аломати оғриган жойнинг кўпчиб туриши, кўпчиган жойини босгандан, остида ел бордек билиниб қўлга юмшоқ уриниши ва ҳам оғриқнинг бўшроқ бўлишидур. Бу иллат хотунлар ва ёш болаларда оз пайдо бўлур. Гўшт кўп егандин, ичқиликларни кўп ичгандин, хўқиз, сигир гўштларига ўхшаш оп:р сингишлик нарсалардин тўйиб турлиб жимо қилмоқдин, сиркага ўхшаш аччиқ нарсаларни кўп егандин, иш-ҳаракат

қилмай, кўп ётиб ухла-гандин ёки бирданига қаттиқ қийналиб иш қилғондин пайдо бўлур. Бу иллат бот согаймайдур. Шунинг учун буни умрлик оғриқ дей-дур. Бу иллат турли-туман бўлиб, иложи ҳам неча хилга бўлинур. Барисини ёзиш бу ўринга сиғмаса ҳам энг керакликларини ёзамиз. Бу иллатнинг устидин қилинадурган даволарнинг яхшироғи арашон. Иссик сувга тушмақдир. Арашон суви бўлса, гугурт маъданидин чиққанлигидин куп фойдали бир сувдир. Лекин оз бўлғонда, бир ойсиз яхши фойда бермас. Юрак кўтарса, қуввати етса, ҳар кунда икки қатим тушиб, ҳар тушганда бир соат туриш керак, бўлмаса ўз ҳолига қараб тушгай. Бир ой-икки ой тушганнинг фойдаси бўлса, бу муддат ичида иллатнинг моддаси ҳўл бўлиб, тер бўлиб оз-оздан тарқалиб, тамом бўлур. Модданинг тугалиши иллатнинг соғайиши демакдур. Ишқилиб, озми-кўпми бу сувга тушишнинг фойдаси бўлур. Қанчалик кўпроқ тушса, шунчалик яхши. Бу иллатдин бошқа буйрак иллатларига, жигар иллатларига, тол иллатларига ҳам фойда қилур. Тажриба бирла билишгандир. Сувдин чиққан чоқда ўраниб, бурканиб чиққай. Танлари совуб, тери қури гунчалик ҳаводин ўзини сақлагай. Бўлмаса, зиёнликдир. Баданлар юмшаб, тук остидаги тешиклар очилиб, бўғим-бўғимлар бўшаб турган чоғда шамоллаб қолса, турли иллатларга сабаб бўлур. Ҳар ўринда бу ишни кўзда тутмоқ керак. Энди сиртидин суртадурғон дориларни айтамиз. Дўхтир дориларидин ушбу фойда қилур: спирт, йод, скапидар, гарничий спирт, камфорний спирт, нашатирний спирт. Мана бу сув дорилар ҳар вақт аптекада, дўхтироналарда топилур. Булардин оғриган жойларга ҳар кунда икки қатимдин узун вақтигачалик суртгай. Суртганда зерикмасдин, бир соат, оз бўлса ярим соат уқалаб туриб сургай. Дори сингишиб иллат ўрнига етсин. Мана шундай қилганда фойдасини кўргай. Энди ичидин ичадургон дориларни айтамиз. Бу иллатларга айтилган дорилар ниҳоятда кўпдир. Бу ўринда ўзим ишлатиб тажрибадан ўтган дориларни ёзарман. Ўзим ишлатиб фойдасини кўрган дорилардин бири йод. Бу дори аптека дориларидан энг бир фойдали доридир. Ҳар турли ревматизм иллатларига бирма-бир дори бўлиб, иссиқдин бўлғонларига шак йўқ. Мундин бошқа эски йўталлардан чиқишларга, ҳар қисм яраларга кўп фойдаси бордур. Қон бузуқликдин бўлган қичима, қўтиларга ҳам фойда қилур. Унинг ичиш тартиби шулки, биринчи қатим 6 гр. дорини 12 қошиқ қайноқ сувга солиб, бир кунда 3 қатим ҳар ичганда бир қошиқдин ичгай. Иккинчи қатим 10 гр. 12 сир қошиқ сувга. Учинчи қатим 12 гр. 12 қошиқ сувга. 4 гр. бир мисқол бўлур. Шундоқ қилиб, оғриқнинг ҳолига қараб 8-9 мисқолгачалик ичургай. Сиркага ўхашаш аччиқ нарсалардин, ҳўл мевалардин парҳез қилур. Яна бир иложи: санои макка 5 мисқол, соврунжон 7 мисқол, сарик халиланинг пўсти 3 мисқол. Санони хўб тозалаб, чўп-чорларидан ариғдаб, темир ҳавончада сўқиб, элаб, ундеқ бўлғондин кейин тортиб 5 мисқол қилсун. Қолган дориларни мана шундоқ қилиб, барчасини қўшиб, топилса бодом ёғидин 2-3 мисқол қўшиб, бу талқон дорини ёғласун. Бодом ёғи тайёр бўлмаса, бодом мағзини бироз қайноқ сувда чилаб қўйиб, устидаги қизил қовуғини сўйиб ташлаб, юмшоқ янчиб дорига аралаштиргай. Фараз бодом ёғи бирла дори ёғланса, ишганда курсоқни бураб тўлгамас. Мана шу доридин ётар чоғда 3 мисқол олиб, чой ўрнига арпабодиён дамлаб, шунинг суви бирла ичгай. Бирор пиёла шу сувдин иссиқ ичгай. Эрталаб бир қатим, икки қатим ичини бўшатур. Шундоқ қилиб, бу доридин саккиз-тўқиз кун, ниҳояти 12 кунгачалик ичгай. Иншооллоҳ, бу иллатнинг кўпига фойда қилур. Узун муддатлар ичида қилган тажрибали дориларимизнинг бириси шудир. Дори ичган кунларда аччиқ нарсалардин, гўштдин парҳез қилур. Нон, чойга қаноат қилур. Агар чой ўрнига арпабодиён ичса яна яхшироқдир. Яна бир иложи, фориқун, зараванд, занжабил, шарбат — бу тўрт турли дорининг вазни баробардир. Сўқиб, элаб кечқурун ётар вақтида бу доридин уч мисқолни олиб, қайноқ сув бирла ичгай. Физо парҳези бунингму, юқоридекдур. Бу дорилар ўзимизнинг дорифурушлардин топилур. Фориқун ранги оқ пўр бўлиб, қолган чилик томирдек енгил нарсадур, Ҳиндистон тарафидин келур. Бу дориларму кўп муборак. Бу иллатга бирма-бир мужарраб дорилардандур. Елғиз-ёлғиз келганда, бу иллатга ҳеч қайси дори соврунжондек фойдали эрмас. Ёлғиз соврунжоннинг ўзини иссиқ бўлса, (ош кўки) юмғоқ сут уруғи бирла, совуқ бўлса арпабодиён бирла янчиб кап отса ёки қайнатиб ичса, ўзиму кифоя қилур. Яна бир

иложи чубичини 10 мисқол, совринжон 7 мисқол, 3 мисқол арпабодиён, 3 мисқол массаки, 3 мисқол лочин донанинг уруғи. Бу беш дориларму, дорифурушларда топилур. Чубичини кўпроқ хитой дорихоналарида топилур. Муштдек-муштдек қотган хамирдек бўлур. Кўп муборак доридур. Томир дори қаторида ишланур. Ишлатишни билган киши фойдаланса бўлур. Бу доридин ўзим кўп фойдаландим. Гап, ўрнини билиб ишлатишдадур.

ФАСЛ. БУ ФАСЛ СИЙДИК ТУТУЛҒОННИ АЙТУР

Бу иллатнинг сабаблари кўпdir. Иссиқдин, совуқдин, елдин, сийдик қоли туворсуққа тош пайдо бўлғондин, сийдик йўлига яра тушгандин, узун китобларда айтилғон бошқа бир қанча сабаблардин пайдо бўлур. Бу ўринда бир нечаларининг иложини баён қилиб кетамиз. Агар ёш болаларнинг сийдиги ййнаб юрибоқ мижози ҳеч қандай бузилмай туриб тутулғон бўлса, суворсиққа тош пайдо бўлган бўлур. Бунинг аломати сияр вақтида боланинг чукисининг туби қичишиб, оғриб, чукиси қўпиб диконглаб кетар. Бу очиқ белгисидур. Бунинг иложи агар эмчакдаги бола бўлса, бир мисқол сиёдонани (седона) ундеқ юмшоқ қилиб янчиб олиб, онасининг сугидин бир қошиқ, ўрикчалик тоза бол, мана бу учковини бирлашти-риб, болни эзиб, яхши аралаштириб, шуни ичирсин. Дарҳол фойдасини кўргай. Шундоқ қилиб, 3-4 йўл ичирса, туварсуқдаги тошни эзиб туширгай. Буни ўзим қилиб кўриб тажрибадан ўтказдим. Қадрини билмак керак. Ёзгувчини дуодин унутма. Яна бир иложи, майли тош, тўхтагандин бўлсин, майли бошқа бир сабабдин бўлсин, бир мисқолча яхши тоза риванч, 3 мисқолча ўғритикан, 3 мисқолча қовун уруғи ёки тархамак уруғи. Бу учковини хавончада сўқиб, янчиб бир покиза халтага солсин. Сўнгра тўлиқ бир пиёла сувда халтача бирла дорини ярим пиёла қолгунчалик қайнатсун. Халта бирла дорини хўб эзиб, сиқиб, бутун титифини чиқариб, шундин ичкурсин. Ёш болаларга бўлиб ичкузсин. Чўнг киши бўлса икки баровар-уч баровар ичкузсин. Оз-кўп ичкузмак касалнинг чўнг ки-чиклигига боқиб бўлур. Бергувчи ўзи билур. 9-10 ёшли бола бу иллатга йўлмқиб келганда, ушбу доридин бир шиша ясаб бердим. 2-3 йўли ичиргандеёқ чукисидин чигитдек тошни сийдик бирла отиб туширибдур. Ота-онаси кўп ташаккурлар айтиб, тошни кўрсатди. Бола ҳам шу иллатдин согайди.

Фулжа шаҳрида бу иш бўлғандир. Шундин бириси неча қатим бу дорининг фойдасини кўрдим. Ўзи кичик, нафи улуғ бир дори-дур. Риванч бўлса ҳар қачон хитой дорихоналарида топилур. Яхвиси от түяғидек бўлиб, ранги қизғимтири. Чайнаб кўрса, тупурик сап-сариқ чиқгай. Яхвиси шудир. Ҳар қачон дориларни ҳидлаб олмоқ керак. Эскириб халта теги бўлиб қолған дорилардин зараддин бошқа чиқмас, иншооллоҳ дорилар куч-қувватларини узун-қисқа умрларини баён қилиб, бир рисола ёзмоқ ўйим бор. Худо етқизса, шунга қараб амал қилурсизлар. Бу дори хоҳи иссиқ, хоҳи совуқдин бўлсин баробардир. Энди иссиқ, совуқлигини бошқа турли дориларни ажратишни баён қиласиз. Агар сийдик қизил бўлиб ёки сариқ бўлиб, томирлари тирсиллаб тез ўткир урса, иссиқдин бўлур.

Агар сийдик оқ булиб, тиник чиқса, томир уриши бўш бўлса, чанқоқлик йўқ бўлиб, танлари салқин бўлса совуқдин бўлур. Агар сийдик билан қон ёки йиринг чиқса, сийдик йўли жароҳат бўлиб, ичи ўйилиб, яра тушгандин бўлур. Буни сўзнак дейдур. Сўзнак иложини кейин айтurmiz. Агар иссиқдин сийдик туширса, бунинг иложи дарҳол ванна қилиб, иссиқ сувга ўлтириғизсин. Агар сув ичида сийдик юриб қолса, шул жойдаёқ ўрнидан туриб сийсин. Ваннага кирмасдин илгари юқоридаги риванчдин қилинган доридин бир пиёла ичиб, сўнгра ваннага кирсин. Иншооллоҳ, ваннадан чиқар-чиқмасдан туриб фойдасини кўргай. Ваннанинг суви илимон бўлмоқ керак. Агар совуқдин бўлса, бунинг иложи жўхоридек хинни иссиқ сувда эзиб ичурсун. Киндик остилари, туворсуқ устиларига хиндин эзиб сурсун. Иссиқдин бўлғонларга ёз кунларида бўлса, тархамак, ковани қириб устидан чапласин. Агар қиш кунларида бўлса, илимон сувига латтани ҳўллаб, дам олмай чаплаб турсин. Совуқдин бўлганига табобачини ҳам фойда қилур. Чой ўрнига дамлаб ичгай. Тархамак уруғи, кова урути, қовун уруғи, тарвуз урути, ўтритикан

булар иссиқдин сийдик тутилганига фойда қилур. Табо-бачини, яъни хожи арпабодиён, рум бодиён, ёввойи сабзи уруғи — булар совуқдин елдин бўлғонларига фойда қилур. Бу ўринда мундин зиёда ёзмоқни кўтармас.

ФАСЛ. СЎЗНАКНИНГ БАЁНИ

Сўзнак деб, сийдик йўли ўйилиб, жароҳат бўлиб, ярали бўлиб қолганини айтур. Бу иллатнинг сабаблари кўпдур. Энг ёмони ёмон, бузук хотинлар-ла ётқондин бу иллат ювиб ёпишур. Бир нафаслик шайтон қизифига алданиб, умрли дарди бедавога йўлиққай. Кучаб кетса, боду паранги, яъни сифлис. Бу иллат бедаво бўлур. Сифлис иллати инсон ҳаётининг душманидир. Қайси миллатда бу иллат кўпайса, у миллатнинг инқирози демакдир. Энди мен бу ўринда бу иллатга тажриба қилган дориларимни ёзаман. Даствлабда бу иллатга зиён қиладурғон нарсаларни ёзиб ўттай. Бу иллатнинг ҳар қандо-ғига хотинларга яқинлик қилиш зиён қилур. Ҳар аччиқ нарсалар, қалампир, мурчга ўхшаш ҳар нордон нарсалар, сиркага ўхшаш, бутун ҳўл мевалар, тархамак, қовун, тарвузлар, шўр-тузлик — ҳамма нарсалар бу иллатга зиён қилур. Гўштлар ҳам фойда қилмас. Қуш гўштларининг зиёни озроқдир. Лекин бу иллатнинг ҳар қандоғига сут фойда қилур. От сутининг фойдаси кўпроқдир. Қимизнинг ҳам заррари йўқдир. Энди бу иллатнинг иложи шулки, шўхладин 15 донани олиб, ичидаги қизил донасини олиб ташлаб, устидаги кулодек қизил пўстини бир чайиб сувга солиб қайнатсун. Яхши татифини чиқазиб, сувини сузиб олсун. Агар бўлса анисувидин 10-15-20 томизиб қўйсин. Мана шу сувдан ҳар кунда тўрт қатим, ҳар ичганда З сирли қошиқдин 15-20 кунгачалик ичсун. Бу кунларда парҳезни яхши сақласун. Иложи бўлса сут ва сут ошидин бошқа, нон чойдан бошқа ғизо емасун. Чойни ҳам сутлаб ичсун. Чой ўрнига хожу дамлаб шуни сутлаб ичса яна яхши бўлур. Бу орада марганцовка (қизил дори)дин мошина билан ҳар сийгандан кейин чўчоқ тешигидан юбориб ҳар қатим юборганда сувини туширмасин, чўчоғини тешигини тубан қилмай, чукисини ўн минут миқдори тўғри тутиб турсин. Мана шундоқ қилса, дорининг фойдасини тезроқ кўргай. Бу айтган дорилар фойдаси ёлғизда бу иллатга эмас, зиққинафас, яъни дам чиқиш иллатларига ҳам кўпдан-кўп фойдаси бордир. Ўзим бериб тажрибадан ўтказдим. Киши ҳайрон қолгудек фойда қилур. Тажрибасиз дўхтирларга алданиб, ерли миллий дорилардин қуруқ қолмаслик керак. Яна бир иложи — бир мисқол шўраи қалами, бу дори миљтиқ дорисининг шўри. Русчада силитра деган машхур дори аптекаларда ва бошқа дўконларда ҳар вақт топилур. Мана шундин бир мисқол, шакардин 4 мисқол, хитой оқ шакари бўлса яна яхши, бўлмаса қум шакари ҳам бўлур. Бир пиёла пишган сутга солиб, ҳар ичганда шу миқдорда қилиб кунда уч вақт ичгай. 10 кунгачалик гизосига уч шиша сув, бир ҳисса ичаверсин. Чидамаса, бир оз нон қўшиб еса ҳам бўлур. Тухумни чала пишириб, сарифини есин. Лекин юқоридаги ғизога қаноат қилса яхшидур. Яна бир иложи З мисқол кабобачини, яъни хожуни ундеқ қилиб, майда сўқсун. Бир пиёла янги ивитилган, сарик суви олинмаган қатиққа қўшиб, аралаштирсин. Бу ишни кечки пайтда қилиб, дори пиёланинг устига бир парча дока ёпиб, ўғза (томга) қўйсин. Агар ёз кунлари бўлса, дори кечаси билан ўғза устида ҳаво еб турсин. Эрталаб туриб, оч қоринга дорини ичиб олсин. Шу тартибда қилиб, З кундан то 7 кунгачалик ичсун. Иншооллоҳ, бу иллатга бирдан бир шифодир. Ўзининг осонлигига боқиб қадрини билмай қолмасун. Мундин бошқа кабобачининг ўзини қайнатиб, татифини чиқазиб, суви билан оғиз чайқаса тил, оғиз оғриқларига фойда қилур. Товуши совуқдин битган бўлса, товушини очар. Совуқдин бўлган кўхна бош оғриқларига кўп фойда қилур. Меъдаси бузук кишиларга ҳам фойдаси бордир. Ошга солса, ғизони totli қилур. Гўштни ёзиб пиширгай. Бу кейингилар учун чой ўрнида дамлаб ичидин ичмак керак. Хитой, дунгонларни ғизолари бусиз бўлмас. Бунинг сувидин сўзнак бўлғонлар мошина билан олат ичига юқорида кўрсатилган тартиб бўйича юборса, сийдик йўлидаги жароҳат яралар учун кўп нафи бордир. Бу ёзилганларга ўз йўлида амал қилса, иншооллоҳ, шифодин ҳоли бўлмас.

ФАСЛ. ХАЙЗА ИЛЛАТИНИНГ БАЁНИ

Бу иллат бир қаттиқ иллатдир. Бу иллат бўлганида аломати шулки, оғзини ёндиргай (кусгай). Ортидин сургай, қорни қаттиқ оғригай. Ўзи беҳол, қўнгли безоб бўлгай. Кўз косалари ўлтиришиб оғиз-лаблари қуришиб устаб тургай. Томирлари тубан солиб, билинар-билинмас бўлиб мидирлаб тургай. Гоҳида билинмаслик даражага етибму қолур. Қўл-оёқ томирлари тортишиб, қаттиқ оғригандин чидаёлмасдин чинқиргай. Мана бу аломатлари билан бу иллатни очиқ таниғали бўлур. Энди бу иллатнинг нимадин пайдо бўлишини айтurmиз. Бу иллатнинг пайдо бўлиши бир ғизони еб, бу ғизо сингмасдан туриб устига яна бир ғизо еб, икки ғизо бир-бири билан сўқишиб, ҳазмлар бузилиб, бундин ёмон моддалар пайдо бўлиб, бир қисми тубан тарафдан қорин оғритиб тургай. Иккинчиси юқори тарафдин кўнглини айнитиб қустурғай. Мана шундай бўлиб, бу иллат пайдо бўлғай. Ёки ғизо еб, устидин хўл мевалар еса, бу шундоқ бўлур. Энди бу иллатнинг иложи шулки, ҳеч бир нарса бермаслик керак. Токи ўзи тўхтагунчалик сабр қилмоқ керак. Жоҳил табиблардек кўп суриб беҳол бўлиб кетди деб, ич тўхтатиш чорасини қилса, бирор сабаб билан ичини тўхтатиб қўйса, бетоб киши дарҳол ҳалок бўлур. Чунки бузук заҳарли моддалар чиқарга йўл тополмай қамалиб қолиб, мундин чиққан заҳарли хўрлар юрак, мияларга, ички аъзоларга уриб, ажалга сабаб бўлур. Ёлғизгина сиртидин бунинг иложини қилса бўлур. Агар май кўп беҳол бўлиб кетса, бир катта стакан, ё бунга ўхшаш нарса билан нақ киндик устига лўнқа қўйиш керак. Ўт билан лўнқа қўйишни ҳар ким ҳам биладур. Бу қўйилган лўнқа бутун туриши лозим, Бунинг фойдаси ҳам ичини тухтатгай, ҳам қурсоқ оғригини босғай. Ўзим тажриба қилиб кўрган ишдур. Баданларига исли хушбўй мойлардин суртиб турсин. Қўл-оёқларини кўп уқаласун. Уқаланмоқнинг кўп фойдаси бордир. Бурунларига атир ифордин буратсун. Қизилгул вақти бўлса, хўлидин бўлмаса қуругидин олиб, янчиб қурсоқларига чапласун. Агар чанқоқлиги бўлса, гулқандни сувда эзив, ичадурғон сусунларига қўшиб берсун. Бу тадбирларни иллатнинг бўлишидаёқ қилмасдан, охирлашган вақтларда қилсин. Чиқадурғон ёмон бузук моддалар чиққандаёқ қилмаса, қилган тадбирлар зиёнли натижа берур. Бу иллат бошлаб бўлғонда қустуриш-сурдиришнинг иложини қилмоқ керак. Ўз-ўзидан қусмай, сурмай қурсоқ оғриғи кучаб кетса, бу вақтда дори билан қустириб, сурдириш чораларини кўрмак керак. Агар мижози иссиқ бўлса, усулига юмғоқ сут урутини янчиб, дамлаб сувидин ичсин. Қурсоқларига юмғоқ сут кўкининг суви билан сандал ёғочини суриб, эзив узум сиркаси қўшиб сурсун. Агар мижози совуқ бўлса, ёнғоқ, зира, ёнгоқдан 10 дона олиб чақиб, мағзини янчиб, З мисқол зирани янчиб, бу иккисига аралашгудек асал қўшиб, икки бўлиб егай. Оғзидин кейнидин ёнган нарсалар ҳар турли бўлиб тўхтамай турса, томир пастлаб, баданлари музлаб, тирноқлари кўкариб кетса, хатарли бўлур.

ФАСЛ. БУВОСИЛНИНГ БАЁНИ

Бувосил деб орқа авратнинг чўраларида (атроф) пайдо бўлгон иллатни айтур. 5-6 қисм бўлур. Кўпроқ бўладурғони уч қисмдир. Биринчи, салулий, яъни сўгалга ўхшаш нарсадур, Иккинчиси, ина-бий, яъни узумга ўхшаш нарса бўлур. Учинчиси, тутий, яъни пишган тутга ўхшаш нарсадур. Биринчиси сўгалга ўхшаш қаттиқроқ бўлур. Иккинчиси ундан юмшоқроқ бўлур. Учинчиси ундин ҳам юмшоқроқ бўлур. Бу иллатнинг асли сабаби, бағрнинг толнинг мижози бузилғондин бўлур. Энди бу уч турлик. Иллатнинг ҳар бири иккига бўлинур. Ташқи бувосилнинг доналари кўзга кўринмас кўтан ичакнинг бир эллик, икки эллик, уч элликчалик, инжиқ келганда гоҳида кўтан турулиб чиқар. Шунда бошқа киши қараса, кўрса бўлур. Бу иллатнинг аломатлари юзининг сариқлиги, лабларининг оқимтири бўлиб, ғудурлиги, кам қувватлик, юрак ўйнаши, гоҳида тил устининг қорамтири бўлиши, кўтан чўраларининг оғир бўлиб тики-либ, орқа пешобнинг оз-оздин келиши, пешобнинг олди-кейиндан қон юрипшнинг кезаклик бўлиши, қон юрмай қолганда доналарига қон тўлиб, қаттиқ оғриб, қон юриб кетганда

оғриқнинг пасайиши, мана булар ҳаммаси бу иллатларнинг аломатидур. Энди бу иллатга зиён қиласурган нарсаларни айтurmиз. Энг биринчи зиёни нарса, бу иллатга сирко лозимдир. Сирко деб аччик сувни, лози деб қизил қалампирни айтур. Ила диёрининг тилларида. От гўшти, сигир гўшти, эчки гўштлари, айниқса тузлик сур гўштлар бўлса, кўп зиён қилур. Ошқовоқ, саримсоқ, мурч ё ўхаш нарсалар ҳам, мевалар, тузланган кўкатлар, сут, қимиз, қатик, қаттиқ пишган тухум, патир нон, ични қотирадурғон ғизолар, сузма, бу нарсаларнинг ҳаммаси зиёнлидур. Ёш қўй, қўзи, ўғлоқ (улоқ), семиз товук, булардин қилган шўрвалари ҳам гўштлари лойик келур. Энди бу иллатнинг иложини баён қиласиз. Агар йилга етмаган янгироқ, енгилроқ бўлса, бунинг иложи шулки, қўйнинг эритган қўйруқ ёғи, бир-икки йиллик эски бўлсин. Шунга бир миқдор соврунжонни янчиб ундеқ қилиб аралаштириб, малҳам қилиб олсин. Шундин эрталаб-кечлаб икки вақт сурсун. Доналари тўкилиб йўқолгунчалик, агар доналари кўзга кўринмайдурғон ички бувосир бўлса, бу доридин пилта қи-либ, кечаси ётар вақтида аврат ичига қўйиб ётсин. Иншооллоҳ, фойдасини кўргай. Тажрибадан ўтган ишдур. Яна бир иложи — илоннинг пўстини сувда қайнатиб, татифи кучи тамом сувга чиққандан кейин шу сувга уч мисқол сабрни солиб, устига жусайни қўшиб, сўқиб чиқиб, сувидин бир пиёла қўшсун. Бу уччовини қайнатиб қуюқлиги зифир ёғидек бўлганда бир шишага қуйиб олиб шундан ҳар куни икки-уч вақт бувосир доналарини ёғласин. Агар ичига бўлса пилта бирла қўйсун. Юқоридаги парҳезларни тутсин. Иншооллоҳ, бу ҳам кўп фойдалидур. Бу айтилган дорилар бу иллат янгироқ ва ҳам енгилроқ бўлса кифоя қилур. Бўлмаса, бу иллатдан тамоман қутулиш учун дўхтирларга кестириб, операция қилишдан бошқа чораси йўқдир. Лекин бу иллатга орқа пешобнинг юмшоқ бўлиб туриши лозим. Ич қотиб қабзият бўлиши зиёнлидир. Ғизолардин шўрва ва ҳам ёғлик нарсалар фойда қилур. Ёғлар ичига сариг ёғ кўп фойда қилур. Ҳам сиртидин суриб, ичидин еса бўлур. Сут ўзи фойда қилмаса ҳам, қатик фойда қилур. Лекин сариқ сувини тўқмасдан янги-янги ивтиб ичмак керак. Яна бир иложи олтингугурт, мовзий, аррабодиён, муръа, кувар илдизининг пўсти, илон пўсти, жусай урути, бу дориларнинг бирисидан бир миқдор олиб, тия қумалоғини кўйдириб шунинг чўғига солиб, бир тушук тосму ё гултувакму, шунинг остига солиб чўрасидин тутун чиқмаслик қилиб тешигини бувосир донасига тўғрилаб исласин. Ушбу дори билан уч-тўрт қатим исласа, иншооллоҳ фойдасини очиқ кўргай. Ис-лагандин болдири ҳайвонот ўтларининг бириси билан мойлаб турсин. Ислаш ўрталарида ҳам ўт билан, қаймоқ билан мойлаб берсин.

ФАСЛ. ҚУЛИНЧ БАЁНИ, ЯЊИ СЎҚИР ИЧАК ОҒРИШИ

Бу иллатни рус дўхтирлари апендецит дейдурлар. Кўпинча дўхтирлар бу иллатга операция қилиб шул ичакни кесиб ташлайдилар. Кўпроғи шунинг билан шифо топқай. Гоҳиси шифо топмайдур. Гоҳи бирлари ич ериш вақтида қазога учраб ҳалок бўладилар. Бу иллат ўзи қўрқинчли иллат бўлиш устига операция қилмоқ яна қўрқинчлидур. Кўз олдимизда неча киши согайган бўлса ҳам, бир неча кишининг ҳалок бўлганини қўрдик. Бу иллатнинг сабаби ичак ичига шилимшиқ ёпишқоқ моддалар пайдо бўлиб, мунингдин киши тезаги туташиб, қотиб қумалоқ бўлиб ичак ичига тўсқинлик қилиб зангитларини ўз йўлида ташқари чиққани қўймасдан бу иллатни пайдо қилур. Бунинг аломати қуруқ тўлғоқ оғрифидин бошқа, орқа тарафидин ҳеч нарса келмайдур. Оғриқ қаттиқ бўлиб, ўнг тарафдин киндик ости оғир бўлиб, яна бир сабаби ичакларда ел пайдо бўлғондин бўлар. Бунинг аломати киндик ости қўпчиб, курсоқ ичига ғалдир-гулдур қилишидир. Энди бунинг биринчи иложи дастлабда амалча қилсун. Амадчани қари хўрознинг шўрвасидан қилса, кўп яхшидур. Хўрозни қувлаб чарчатиб, ондин сўйиб шўрва қилур. Амалчани 3-4 қатим қилгандин кейин сургу дори ичсун. Мен.ўзим фойдасини кўрган сургу ўшбудир.

Қизилмия илдизини қирқиб-қирқиб тўтраб қўйганидан бир чангалини икки коса сувда қайнатиб татифи чиққанда бир коса қолганда шунга икки сир қошиқ кастор ёғи қўшиб ичсун.

Бир-икки йўл ичини бўшатиб, оғриғи пасанча бўлур. Бу сургуга икки сир қошиқ бол қўшиб ичсун. Оғриқ тўхтамагуңчалик ҳеч бир ғизо емасун. Агар ташна бўлса, қайноқ сувга бол қатиб (қўшиб) шарбат ичсун. Ўзим бу тадбирларни қилиб, тажриба қилиб, фойдасини кўрдим.

Агар қурсоқ ичйда гулдуроқ бўлса, устидин такмид қилсин. Яъни кепак тузни қовуриб ё иссиқ кулни ёки тариқ қизил қўноққа ўхшаш нарсани қовуриб, куймагудек иссиқ қилиб оғриган жойга такмид. Елларни тарқатиб, оғригини пасанча қилур. Қулинч билаи бошқа ич оғриқларининг фарқи шуки, бу иллатда пешоби келмас, қабзият бўлур. Ўнг тараф киндик остидан бошлар. Ҳар қайсини биз ёзгандек ўз аломатлари билан ажратгани бўлур. Фаҳм билан иш қилмоқ керак.

ФАСЛ. ТАШАННУЧНИНГ БАЁНИ

Ташаннуч деб, томир сингирларни тортишганини айтур. Агар томирлари тўлиқ, қон томирлари кўпчиған бўлиб бирданоқ пайдо бўлса, ўзиндин бери ич суриш, қон олиш, қусиши, ўтмаган бўлса хўл-совуқдин бадан томирлари модда тўлғонликдин бўлур. Агар бу аломатлар бўлмаса, қуруқлиқдин бўлур. Иложи агар совуқдин бўлса, ташқари-ичидин иссиқлик қилмоқ керак. Ташидин жўза-бўза эзиб сурсун. Туз қайнатиб нашатирний қайноқ сувга чилаб, шу сувлар билан пайи тортган қўл-оёқларини юзсин. Ичидин занжабил, долчин, қалампир, арпабодиён ё шунга ўхшаш нарсалардин чой ўрнида дамлаб ичсин. Агар қуруқ-иссиқдин бўлса, бу чоғда ваннага тушсин. Баданларини, айниқса томирлари тортишган, қўл-оёқларини янги хом қаймоққа ёғласин. Ичидин гизосига янги соққан сутдин кўпроқ ичсун. Семиз жўжа шўрвасидин ичсин. Янги кечқурунги соғилган сутга хитойнинг оқ шакаридан қўшиб ичса кўп фойдалиқдур. Сутни эрталабки соққанидин кечқурунгиси яхшироқдир. Ҳар тўғрида фойдаси ортиқдур. Яна бир иложи кунжут ёғини илимон қилиб, агар мумкин бўлса, чўнгроқ идишга кўпроқ қуийб, қўл-оёғини шул ёғ ичига чилаб, узун турсун. Уч-тўрт қатим шундоқ қилса, бунинг фойдаси ҳаммадин ортиқдур. Агар қўл-оёқ молиб ўлтургудек ёғ бўлмаса, бир неча кун узмай устидин суртса ҳам кифоя қилур. Агар юқоридек иложлар кор қилмаса, мижоз қуруқ бўлиб, бу иллат қуруқлиқдин пайдо бўлган бўлса, яна иложи шулки, қўйнинг қурик ғидидин уч энлик миқдори кенглиги-узунлиги оғриқ кишининг бўйниға ўралвудек бўлса бўлсун. Қалинлигини пичноқ сиртидек қилиб кесиб олсин. Мана шул ёғни бўйин гарданига ўраб, устидин бир ёғлик билан ўраб қўйсин. Шул ёғ ҳидлангунчалик турсун. Сунгра янгилаб шул тартиб билан яна ёғласин. Шундоқ қилиб бу иложи уч қатим қилсин. Иншооллоҳ, бу иллатнинг ҳар қандогига фойда қилур. Ўзим қилиб тажрибадан ўтказдим. Сирко, лози, аччиқ нарсалар, шўр тузлик нарсалар, эчки гўшти, калла гўшти булардин бошқа еллик ғизолар бу иллатга зибн қилур. Гоҳида сургу ичиб, кўп амал қилғондин, айниқса хуббул малиқ, сургудин, куп қусғондин, муздек совуқ сув ичгандин, заҳарлик жониворлар чаққандин, ҳайз нафос қонлари тўхтагандин ҳам бу иллат пайдо бўлур. Бу чоғда сабаб бўлган нарсаларга илож қилмак керак. Ёки сабаблари тўхташи биланоқ бу иллат ўз-ўзидин тўхталур.

ФАСЛ. ЯРАҚОННИНГ БАЁНИ

Ярақон деб сариқ бўлғонни айтур. Бунинг аломати юзи-кўзи, тамом баданлари сап-сариқ бўлиб, бу иллат 16 қисмдир. Ёлғиз бир қисми илож қабул қилмас, бошқаларнинг иложлари бордир. Илож қабул қилмаслик белгиси бўлса, орқа пешоби оқ келур. Бу иллатда орқа пешобининг оқ келиши яхши эмас. Бу иллатнинг қисқача сабаби сафро тошиб, қонга қўшилиб, бутун баданга тарқалганидан пайдо бўлур. Энди бу иллат кўпинча иссиқдин, гоҳида сафро халтасининг олди бўшаб, жигарда пайдо бўлган сафрони ўзига тортмай қолганидин бўлур. Ҳар қандоқ бўлса ҳам, сариқ бўлган киши, гўшт-ёғ, кучли бўлган ғизолардин парҳез қилмоқ керак. Энди бу ўринда ўзим тажриба қилган дориларни ёзиб ўтаман. Биринчи иложи шулки,

исканжабин риванчига шўхлани қўшиб, шунинг сувини ичгай. Шундоқки, 7 қошиқ шўхла сувина бир қошиқ исканжабин риванчи қўшилур. Исканжабин риванч бўлса, юкорида иситма-безгак баёнида ва ҳам кезикларнинг баёнида ясашнинг тавсифларини ёзиб ўтдик. Риванчини яхши узум сиркаси, шакар, бу уч нарсадин ясалур. Шундоқки, бир қадоқ тоза ўткир узум сиркасина уч қадоқ шакар қўшилур. Шунинг икки сар, яъни 20 мисқол яхши тоза риванчини олиб, чала янчиб, икки коса сувга солиб, бир коса сув қолгунчалик қайнатсан. Дорини таъм тотифи чиққандан кейин сузиб олиб, устига сиркони шакарни қўшиб, яна бир оз қайнатиб, шарбат олсин. Мана шуни исканжабин риванчи деб айтурлар. Бу иллатга шўхлани сувини қўшиб ичгандек иситма безгак, тиб кезикларига, юрак оғриқ, қурсоқ оғриқларга қайноқ сув ёки арпабодиённинг сувига ўхшаш сувларга қўшиб ичфай. Агар бу дори тайёр бўлмаса, ёлғиз риванчнинг сувига шўхла сувини қўшиб ичгай. Ёки қайси бири топилса, шуни ичса ҳам бўлур. Ичидин арпа кашкоби ичгай. Кашкобнинг баёни юкорида ўтди. Ўзи совуқлик қилсан. Ваннага тушсин. Терлашлиқ фойда қилур. Сариқ сувини тўкмаган қатиқ исин. Сут, қаймоқ, сариёг зиён қилур. Кичик балиқни қуруқ сувда қайнатиб пишириб есин ва ҳам шунга қарасин. Сиёдонани (седана) ундеқ эзиб, хотин кишининг сути билан бурнига томизсан. Кўз сарифини тезда кутаргай. Кўк мөш, бироз гуруч, жўжа шўрвасига солиб қайнатиб, шўрва гуруч қилиб, қатиқ, юмғоқ сут қўшиб ғизосига ичсан. Лекин ҳаммадан ғизосига арпа кашкоб яхшироқдур. Қора ўрик ва ўрик, шафтоли қоқи, кўк кишмиш, тамрихинди, шунга ўхшаш нарсаларни чилаб исин. Ёз кунлари бўлса тархамак, бодрингларни артмасдан пўсти бирла есин. Юкорида ёзилган сафро сургусидин ичсан. Агар мижози совуқ бўлиб, ўт халтасининг оғзи бўшашиб жигардан сафрони тортмасликдин бу иллат пайдо бўлган бўлса, бу ҳолда мятний капли яъни ялпиз суви, зарчаба, бу уччовидан қайси бириси бўлса ҳам фойда қилур. Қахрабони ичидин ичса, ҳам қўлига тушиб қараб юрса, бу ҳам фойда қилур. Ҳар қандоғига бўлсин.

ФАСЛ. АМРОЗ РАҲМ, ЯЪНИ БАЧАДОН

Туркийда бола ётқининг иллатларини айтур. Бу иллат хотин кишиларга маҳсусдир. Ҳайз қонинапоз қони бу жойдин келур. Ҳайз қонининг келиши хотинлар учун муборак ишдир. Чунки бола кўришнинг белгиси бўлур. Туғмас хотинлардин ҳайз қони келмайдур. Хотинларни фарзи шарафи бола туғиши биландур. Энди бу қон ҳар хотиннинг ўз одатича келиб турса, тан соғлиги ҳам бола бўлишининг аломатидир. Агар одати бузилиб, бу қон келмай қолса, ўз вақтида юрмаса, мижози бузилғондин бўлур. Тезда иложини қилмоқ керак. Бепарволик қилса бундин бир неча турли иллатлар пайдо бўлур. Бош айланмоқ, кўз тинмоқ, қўл-оёқ сирқираб оғримоқ, бел, бош оғримоқ, кам иштаҳалиқ, бурун-юз устиларига қора доғ тушишлик, охирида истисқо бўлиб, ҳамма бадан ишмаги шундин бўлур. Бу иллатни кичик санамай ўз вақтида чорасини қилмоқ керак. Бўлмаса дарди бедавога қолур. Бетоблиқдин, очлиқдин ориқлаб, қонсизланиб қолса ҳам, ҳайз қони тўхтагай, бунинг иложи яхши ғизо еб-ичиб, яхши тарбиялаш билан бўлур. Кўп ишлаб чарчашлик ҳам қонни қотириб, ҳайз йўлини боғлагай. Бунинг иложи кучли ишларни қилмай, ўзига роҳат беришдир. Баданни яшнатадурғон янги соққан сут, семиз товуқ шўрваси, қўзи, ўғлоқ шўрвалари, чала пиширилган тухум, сут-қаймоқли, шакарли чой. Бу ўхшаш нарсалардин ғизо қилгай. Агар мижози қуруқ-иссиқлиқдин тўхтаган бўлса, бунинг аломати чиройи ўзгариб, қорамтири бўлиб, ориқлагай. Юрак ўйноқ бўлиб, кўнгли қоронғилашиб, очилмай туриши, киндик чўраларининг оғирлиги, қон томирларининг кўпид туришидир. Бунинг иложи, агар қон олишни билган киши бўлса, оёғида тўпиқ устидаги сопин деган томирдин қон олмоқ керак. Бўлмаса одатига қараб, қон келадурғон кунларида икки оёқ болдиrlарига қортиқ қўйиб, 10—15 қортиқ қон олдирсан. Шул вақтда қон юргизадиган дорилардин ичаберсан. Ҳам шу кунларида жимо қилмоқнинг фойдаси бордир. Қон юргизадиган дорилар ичидан яхшироғи кир-пис уруғи, кравая уруғидур. Кирпис деб, хитойча шинсайдир машҳур нарсадир. Киравая деб, ёввойи сабзи уруғини айтур. Ҳар жойда бор нарсадур. Буларнинг қайси бири бўлса ҳам уч

мисқолчаликни бир чойнакка солиб, қайнатиб ярмига келтирсин. Қолганини ичсун. Арпа бодиён ва рум бодиён ҳам шундоқ қон юргизадур. Буни ҳам юқоридагидек қилиб ичсун. Буларни қайнатиб сувига ўлтирасин. Бу уруғларни янчиб қайнатиб, сувини ичиб, тилипини киндик остига боғлаб ётсин. Эрманқурай қайнатиб исса, сувига иссиқ қилиб ўғирса, кўп нафи бордур. Бўйимодорон деган сариқ тегеракбош ислик чўп бордир. Мен ўз юртимиз Тўқмоқда бу чўп доридин кўп ишлатиб, бир неча иллатларга кўп фойдасини тажриба қилган эдим. Айниқса хотинларнинг бачадон иллатларига, қорин оғриқ, биқин оғриқларига бўлибму ҳайз қонини юргизмак учун бу доридек фойдали нарса кўрмадим. Бу доридин ароқ (поридан олинган) тортилса ҳаммадин яхшироқдир. Турли иситма-безгакларга, ҳар турли курсоқ елларига бу доридин бериб, кўп фойдасини кўрдим. Хотинларнинг бачадон иллатларига бирма-бир дори эканини ўзим тажриба қилиб билдим. Бу доридин ичган чоғда ёгдин қаттиқ парҳез қилур. Ёғлик нарсалар бу дорига хил кел-майдур. Лекин Ила диёрида бу дори кам топилур экан. Бенам жойларда чиққанини кўрдим. Оз тўла олиб ишлатиб тажриба қилдим. Биздин ерлардагидек бўлмаса ҳам, фойдаси борлиги маълум бўлди. Бу дорининг оқгуллиги ҳамма жойда топилса ҳам кучи камлигидин фойдаси озроқ кўринди. Чомғур турп, пиёз, сабзи, нухат — бу нарсаларни ғизога қушиб кўпроқ еб берсун. Ҳам шулардин ўзидин қайнатиб ичиб, сувига ўлтирасин. Ўлтирганда куймагудек қилиб иссиқроқ ҳам узунроқ ўлтирасин. Тилпини олиб киндик остига иссиқ-иссиқ тортиб берсун. Таnbия билмоқ керакким, ҳар бир дорини бир қатим, икки қатим қилиб фойда қилмади деб ташлаб қўйиш тўғри эмас. Чунки иллат қандоқлиги билинса, бунинг дориси топилса, фойда қилмасдин қолмайдур. Кўп ўтни ўчиргани оз сув кифоя қилмағондек гоҳида дори озлик қилиб, фойдаси билинмайдур. Гоҳида иллати бор ўринга дори кучи етишолмай турганликдин бўлғай. Шунинг учун дорини озроқ бўлса, кўпроқ қилиб, кучсиз бўлса, кучлироқ қилиб, гумон қилмогудек йўл билан бир неча кун ичмак керак. Бунда ҳам фойда кўринмаса, бошқа бир чорасига киришмак керак. Дори қайнатиб, сувина ўлтирганда сув белидин юқори чиққудек бўлсин. Ҳамда таҳорат сувидек иссиқ бўлсин. Суви қанчалик кўп бўлса, шунчалик яхшидир. Дориларини кўпроқ солиб, сувини қувватлироқ қилиш керак. Эрман қуврай, шувоқчўп, ёзда ҳўли, қиши кунларда қуруғи, ҳар жойда ҳар қачонда топиладургон нарсадир. Сувидан ичиб, ҳам тушиб, тилипларини иссиқ ҳолда белларига, киндик остиларига бoggасун. Ишлатгучиларга осонлик бўлсин деб, бу китобда ҳар жойда топилмоқда бўлган сероб дориларни ёздим.

ФАСЛ. ҲАЙЗ ҚОНИ КЎП КЕТМАСЛИГИНИНГ БАЁНИ

Агар ҳайз қони кўп кетиб тўхтамаса, қараймиз, бу хотиннинг танаси семиз, бадани тўлиқ, қонли, ўзи кучли, қувватли бўлса, ҳар қанча қон кетгани билан ўзига путур етмай, қуввати жойида турса, баданда қон кўпайиб сифмаганлиқдин бўлур. Бунга илож қилмоқ лозим эмас. Чунки бир илож қилиб, қонни чиқазмай тўсиб қўйса, баданга сифмай, оғриқлар келтириб, бирор жойидин жароҳат бериб, чиқиш эҳтимоли бордир. Шунинг учун куч-қувват, ранг-рўй ўрнида бўлса, буни тўхтатишга ҳожат йўқдир. Қачон куч-қуввати озайиб, ранги рўйи сарғая бошласа дарҳол чорасига киришмак керак. Энди қараймиз, агар келган қон оз-оздин узилмай келиб турса, сариқ сув йиринг аралаш бўлса, бачадонда жароҳат яра пайдо бўлғондин бўлур. Чиққан нарсада сассиқлик бўлса, аврат ичига яра чиққаннинг очиқ аломатидир. Бунинг иложи аврат ичидаги ярага илож қилмоқ керак. Бувосил баёнида ёзилган илон пўсти, сабр, жўсай суви бидан қилинган доридин пилта қилиб аврат ичига қўймоқ керак. Ёки мосина билан юборсин. Оралаб-оралаб кала ўтига бол қотиб буни ҳам аврат ичига қўйисин. Яра жароҳатига зиён қиладургон еллик нарсалар ҳам ҳўл емиш, тарвуз, қовунлардин парҳез қилсун. Агар бу иллат мижози бузилиб, модда кўпайгандин бўлса, оқ паҳтани авратдин келган қонга суртиб, кунга қўйисин. Агар паҳта сариқ қуриса, сафродин бўлур. Сафро сур-гуси қилмоқ керак. Агар оқ қуриса, балғамдин бўлур. Балғам сургусини ичмак керак. Агар қорамтир бўлиб қуриса савдодин

бўлур. Савдо сургусини ичгай. Биринчи санога сариқ халила, иккинчиси қобили халила, учинчиси қора халила қўшса, ҳар қайси модданинг ўзига лойик сургу бўлур. Дори ўлчовларини юқорида иситма кезик баёнида айтиб ўтдик. Ёндириб ёзмоқ хожат эмас, шул жойга қара-сун. Сургу қилгандин сўнг қаҳрабони янчиб ичидин исчун. Тин армани деган қизил гулга ўхшаш тўпа дори бор. Шундин сувда чайиб исчун. Дорифурушларда ҳар қачон топиладургон нарсадур. Ҳўқиз мунгузини куйдириб, кулини исчун. Қаҳрабодин бошқасини темирчини сувига солиб, қуюқ аталадек қилиб, латтага ё пахтага сингдириб, авратига кечаси қўйиб ётсин. Ва айтилган нарсаларни 10—15 кун қилмоқ керак. 2—3 қатим билан иш битмас, темирчининг сувида ўлтириб, ҳам ичиб бермакнинг кўп фойдаси бордир. Чой ўрнида қизил қуюқ дамлаб ичиб берсин. Ҳам темирчининг сувига қуруқ қизил гул, анор пўсти, мовзи буларнинг ҳаммасини кўшиб, қайнатиб ўлтирсин. Кечаси ётганда сувига латтани ҳўллаб авратига қўйисин. Дори сувидин аврат ичига кирса, янаму фойдаси зиёда бўлур. Темир бўқини майда янчиб, нафис эргак ё докадан ўтказиб, бир мисқолни тўрт бўлиб, ҳар ичганда бир бўлимдин исчун. Бир ҳафта, 10 кун ё тўхтагунчалик ичмак керак. Буни ичган чоғда юқоридаги дориларни қилиб, турмоқ керак. Булар ўзим тажриба қилган дорилардир.

ФАСЛ. ЁШ БОЛАЛАР ИЛЛАТИНИНГ БАЁНИ

Бола туғилгандин сўнг киндигини тўрт энлик микдори қўйиб кесмак керак. Кунаро ёки З кунда ёз кунлари чўмилтирсин. Сувига бир оз туз солсин. Топилса зайдун мойи ёки бўлмаса қаймоқ билан ёглаб турсин. Бешикка белаганда қиз бола бўлса, қорнини бўш боғлаш одат қилсан. Агар қаттиқ боғлаб ўргатса, тутиши қийин бўлур. Буни эҳтиёт қилмоқ керак. Болага онасининг сутидек бошқа суглар ёқимли бўлмас. Мумкин қадар ўз онаси эмизсун. Сути чиқмаган чоғда ҳам қуруқ эмчагини солиб сўрдириб турса, болага кўп тарбият бўлур. Энди бир узр бўлиб онаси эмизолмай қолса ёки шул хотинга тўғри келадигандек хотинни топиб эмизсин. Тани соғ, ўзи кучли, эмчаклари тўлиқ, ҳушёр, хушқилиқ бўлсин. Чунки болага эмизган хотиннинг ҳар тўғрили тарбияси ўтадур. Иккига тўлмасдан болани эмчақдан чиқазиш яхши эмас. Бола ётган уйи кўп ёруғ бўлмасин, ўртаҳол бўлсин. Болага мусиқий оҳанглар кўп хушкелгай. Зинҳор болага ўткир дориларни ишлатмасин. Мисоли совуқ-лик қиладургон бўлса, чилон билан жийдадан бошлаб қилсан. Бунинг билан иш битмаса, гулбинафша, нилуфарга ўхшаш совуқ дориларга ўтмасин. Иссиқлик қиладургон бўлса, бобуна арпабодиён, тоза яхши чой ичурсин. Энг ухшаш дорини қилмасин. Оқил одамга шунчалик сўз кифоя қилур.

ФАСЛ. ХИММОНИНГ БАЁНИ

Химмо деб иситма-безгакни айтур. Агар ёш бола иситма-безгак бўлса, қорамайиз, кезакликму ё кезаксиз қаттиқму бўшму. Агар кезаксиз бўлиб, қизитмаси қаттиқ бўлса, бунинг устига беҳушлик бўлса, терлама кезикнинг аломатидир. Юқорида кезик баёнидаги кўрсатилган дориларни қилғай. Агар кезикнинг аломатлари бўлмай, оғиз, бурни, юз-кўзлари қуруқшаб, ўзи усаб, бир вақт тухтаб, бир вақт қизитиб кезаклик бўлса, иссиқ сафродин қизитма безгакнинг аломати бўлганидир. Бунинг иложи иеканжабин ичирсин. Узум сиркаси ё ўрис сиркасига сув қўшиб бутун баданларига суртсин. Сандал ёғочини сиркада ё сувда эзиб, бошларига, баданларига чапласин. Агар эмчақдаги бола бўлса, онаси гўшт-ёғдин, кучли ғизолардин парҳез қилсан. Агар ичи келмаса, кичик амалча ёки пилта қўйиб ичини юргизсин. Устилигига чилон билан таранжабин сувидин ичилса ичини сургай, иситмасини ёндиргай. Таранжабинни тамрихинди суби ёки чилон суби билан ичирмак керак. Ёлғиз ўзини ичмасин, зиёнликдир. Аптекада болалар учун тайёрланган аччиғи йўқ безгак дориси хин бордур. Шундин ҳар куни икки қатим ичирсун. Иситма тушмасдин ярим соат илгари бирини ич-кизмак керак. Яна бир иложи чўнг киши ичгудек аспиринни З га бўлиб, бир бўлагига уч арпадек чампара, яъни копур,

бир арпа миқдори заъфарон қўшиб, бу учковини ундеқ қилиб, эзиб, бир оз сув билан ичулсин. Тер келтириб, иситмани тўхтатадур. Болалар кезигига ҳам 2—3 қатим шундин берилса, кўп яхши фойда қилур. Агар иситма совуқдин бўлса, аломати иситма бўшроқ бўлғай. Эзи-либ, бўшашиб, узун ётиб, кўпинча кечалаб қизитғай. Усулик камроқ бўлиб, юз-кўзлари оқариб кўпишиб тургай. Бунинг иложи аптекада анисивий капли деган сув дори бор. Ярим қошиқ қайноқ сувга 6—7 дан то 10 қатрагачалик томизиб ҳар кунда 3 қатим ичилсин. Усулигига (сувсаган) арпабодиён дамлаб совутиб бераверсин. Арпабодиён, чилон, кўк кишиши қайнатиб усуликка берса, яна яхшироқдир. Озроқ қизилмия илдизини қўшиб қайнатса, йўталга фойдаси бордир. Бўз бута, айлашни тоза эзиб туриб, товоналарига, қурсоқларига чапласин. Агар боланинг ичи келмай ёки келсаму бус сассиқ келса, 1—2 мисқол яхши санога 1 мисқол арпабодиён бир сар кўк кишиши солиб, қайнатиб, шарбат қилиб, шунинг сувидин усуликка ичириб берса, 2—3 қатим суриб, ичини тозалайдур. Ич тозаланса, иситма ўз-ўзидан тўхтаб қоладур. Чунки иситманинг сабаби ички модданинг биқсиб кетганидир. Бу бўлса сургу билан кўтарилигай. Ҳар қачон ҳар қандай иллатга сано ишлатса, олтидин бирига қизил гул қўшмоқ керак. Ҳар куни қизитиб, бўшроқ узунроқ бўлса, совуқ иситма бўлур. Кун оралаб қиздирса, аниқ иссиқдин, ҳар иссиқдин бўлган иситма безгакнинг бош оғриги бўлур. Иситма безгакларга пошўянинг куп фойдаси бордир. Юқорида иситма безгак баёнида потўянинг баёни ўтди. Шунга қаралса бўлур. Агар боланинг оғзи оғриб ўйилиб кетса, унинг иложи шулки, марганцовкага пахтани чилаб, оғизларини ювсин. Қизилгул, кўкмовзини янчиб, ундеқ майда қилиб, ўйилган, оғриган жойларига солсин. Айниқса эмизиб бўлиб, бола ухлайдургон вақтида солса, фойдаси тезроқ бўлур. Аччиқ нарса, ширинлик нарсалардин сақлансан. Гоҳи оғиз оғриганда тиш тубларидин қон чиқиб, кўпчиб, сассиқ бураб қолур. Бу чоғда тезроқ чорасига киришилмаса кўрқинчлидур. Қорайиб ё қизариб яраси ўйилиб, улгайиб кетса, акла тушгандин бўлур. Яъни қораел демакдир. Бунинг иложи енгилроқ бўлса йод суртиб, кўкмовзу билан куйдирилган аччиқ тош, замчани сепсан. Узум сиркага туз қўшиб чайқасун. Агар оғирроқ бўлса куктошни куйдиреб, кўкзокани куйдиреб сепсан. 5—6 қатим қилиб, бунингдинму фойда кўролмаса, оғиз бурундин бошқа жойга тушган бўлса, чўрасига доғ солсан. Шундоқки, ярага ўлчаб, чўрасига келтириб, темирдин тамга ясаб, қиздириб бирла боссин. Бузуқ модда тамға босган жойдин соғ тарафга ўтолмайдур. Яра тушган жойга юқоридаги дориларни қилсан. Албатта шифо топгай. Энг сўнгги иложи шулдир. Бу иллатда яранинг тешилган оғзи тег-тегарак бўлиши хатарлиқдир. Болдин бошқа иложини кўп қабул қилмас. Бошқа шаклдагилари осонроқ бўлур. Бу чоғда аввал амалча сургу бериб туриб, кейин бошқа дориларни қилсан.

ФАСЛ. АЗҲАР — БОЛАНИНГ ИЧИ ЎТГАННИ АЙТУР

Агар бола ич ўғгак бўлиб қолса, қорамайиз, агар тўлғоқ бўлса, ичидин қон, йиринг ёки ичак қириндисидек, тухум оқидек нарсалар товуқ ахлатидек нарса пит-пит бўлиб тушса, бунинг иложи юқорида юрак буруғ баёнида ў1ди. Шунга қараб иложини қилсан. Тўлғоқ аломати бола йиғлаб, қорни оғримоқдур. Агар мундок бўл-май, ичи сув-сув ўтса, ичидин ўтган нарсага қараш лозим. Агар оқ ё кўк ўтса, албатта совуқдин бўлур. Долчин уч мисқол, лочиндана 2 мисқол, 3 дона кўк мовзуни чала янчиб, лочиндананинг уруғини олиб, бу уч дорини бир оз қовуриб, ундеқ қилиб майда янчиб олсан. Шундин бир мисқолни бўлиб, бир кунда 2—3 қатим ичур-син. Қовун, тарвуз, ҳўл емишлар зиён қилур. Ҳўл мевалар ичидан беҳи, анор зиёнсиз, балки фойдаси бордир. Анорни сиқиб ичилса, беҳини ўтда кўмиб пишириб берса, ёлғиз ўзи бирла кифоя қилур. Картошкани ўгда пишириб ейилса, фойдаси бордир. Агар ичидин ўтган нарсанинг ранги қизил ва сариқ бўлса, иссиқдин бўлур. Бунинг иложи исфағул урути, баргизуб уруғи,райхон, гултожихў-роз уруғи ҳаммасини қовуриб, ҳар ичганда бир мисқолдан бир кунда эрта-кеч икки қатим ичгузсин. Қорахалилани сариёгда ёғлаб туриб қовурсин. Қизариб қотиб, қоқ қуригунчалик, сўнг бир оз новвот қўшиб янчиб, бир мисқолдан эрта-кеч ичгузсин. Сув ўрнига

жийда суви, гуруч суви берсун.

АПТЕКАДА БОР ДЎХТИР ДОРИЛАРИНИНГ БАЁНИ

Бу кундаги аптека дориларини тамом билмак, дўхтирилик илмини битирган, чўнг дўхтирларгагина хос. Шундоқ бўлса ҳам, бу ўринда билганимизча, машҳур аптека дориларини ёздиқ.

Железний пуруш — буни бизча катта пўлат дейдур. Бир оз қанд, озрок арзаманда бирла қўшиб ҳап қилур. Баданида қон оз, огриқдин янгибургон, қуввати оз кишилар учун кўп фойда қилур. Ёшликни сақлар. Танга тарбия берур, ҳар тўғрида катта пулат яхшидур.

Медний капли — бизча ялпиз аракидур. Махзанда, Қорабодин, Кабирза ҳовоҳи баён қилингандур. Ташналик, кўнгил айниш, қусмоқ, юрак оғриқ, ич ўтмакка чўнг кишилар учун 10—15—20 томчи, ёш болага уч қатра, беш қатра сувга томизиб ичгай. Вабо текканга ҳам нафлидур. Нашатирний, анисовая капли йўтал, диққинафас, ёш болаларнинг оғиз оғриғи, совуқдин бўлган безгак, қизитмоқ, қусмоқ, меъда елига фойда қилур. Ҳар ичганда 10—15 қатра, болалар 4—5 қатра қайноқ сувга томизиб ичгай. Капли дардлик болалар, чўнг кишилар йуталларига, товуш ютганга 10 қатрадин 20 қатра қайноқ сув билан ичгай. Апетитная капли истеҳзо келтууруга меъда қуввати учун, ҳазм томоқقا-15 қатрадин 30 қатрагача қайноқ сув билан ичгай.

Тирманский капли — қурсоқ тўлгоқ, ичбуруғ, ич ўтгак, санчиқларга, елдин бўлган қорин оғриқларга 10 қатра-15 қатра қайноқ сув бирла ҳар кунда 3 йўла ичгай.

Капли бобурдистрой — сариқ, хапақон ғаши, бехудликларга ва қувват бадан учун 20—25 қатра ҳар кунда 3 бор ичур.

Кендрорий бальзам — юрак оғриқларга, маҳсларга 30 қатрадин 50 гача, ёш болаларга 5—10 қатра қайноқ сув бирла ичгай.

Зубная капля — тиш оғриққа пахтага томизиб, тишга босгай.

Железная капля — қони кам бўлганлар учун баданга қувват беришда 20 қатрадин 30 қатрагача памил чой бирла ичур.

Эфирний валерианный капли — хапақон, вос-вос, заиф қилиб, ғаши ва боши айланадурғон ва бош оғриқларга 20—25 қатра сув бирла ичар.

Имзимская капля — ич ўтганга, вабо текканга, ичак оғриқ, юрак оғриқларга 20 қатрадин ҳар кунда икки бор, то тўрт галгача-лик сув бирла ичур. Ёш болаларга мамнундир.

Ланданская капля — йўталларга, овози битганларга 20 қатрадин 30 қатрагачалик қайноқ сув бирла ичур. Ёш болаларга мамнун-дир.

Капли хиннислушний — истисқо келтирур, баданга қувват берур. Таомни ҳазм қилур, 15 қатрадин то 20 қатра таомдин чорак соат илгари қайноқ сув бирла ичгай.

Капля дўхтири Николай — иситма ва безгакларга 10—20 қатра бир кунда тўрт бор ичур.

Капли расинабадю молоко — бир стакан сувга ярим чой қошиқ солиб, бет, томоқ, кўкракларини ювса, кўпроқ мулоим қилур. Жўжишларни йўқ қилур.

Мазь камфорний — огриган жойларга, лат еган, йиқилган ва калтак теккан, ушук урган, тилма бўлган, ҳамма иссиқдин бўлган жушишларга кўп нафлидир.

Цинковий мазь — шишик жароҳатларга, жўшишларга катта латтага суртиб ёпиштирур.

Утная мазь — баданга жўшиш шишларга ва безларга суртса нафлидир.

Мазь атисадка — қичималарга эрта-кеч суртилсин.

Бесдиктарний мойлар билан тўрт кун ҳаммомда баданини ювур.

Виновая масла — буни қотиб қолганларга суртиб, иссиқ сақласун.

Ваножновий бумажний пластир — чипқон ва сўмларга қўйса ёрадур.

Опан — бел оғриқ, оёқ оғриқларга суртсин.

Белина — япроқ дори аптекада бор. Зотилжан иллатларига мисқолнинг олтидан бирини

қайнатиб ўзини муносиб дорилар билан ичирур.

ФАСЛ. ТОМИР ТУТМОҚНИНГ БАЁНИ

Билмак керакким, юракнинг солиши, томирнинг уриши бирдек бўлур. Томирни ажратмак учун кўп ўткир зеҳн, фаросат, узун таж-риба керак. Устоз комилдин таълим олмоқ лозим. Шундоқ ҳам бўлса, ўз фарзанддарим учун кўз билан кўрсатгандек қилиб, очиқ тушунарли қилиб, томирнинг энг керак, зарур бўлганларини баён қилдим. Томир тутмоқнинг тартиби шулки, табиб беморнинг томирига тўрт элликни баробар қўйсун. Қирқ эллик ургунчалик пайқаб зеҳн қўйиб турсин. Агар беморнинг томири ингичка бўлиб, тирсиллаб тез-тез урса, қуруқ-иссиқнинг аломатидир. Қуруқ-иссиқ бўлганда сафроликму-сафросизму, агар сафролик бўлса, бунинг аломати шулки, оғзи тахир бўлур. Юз-кўзлари сариқсимол бўлур. Айниқса, кўзининг оқи сарфишроқ кўринур. Сафросиз қуруқ-иссиқда бу аломатлар бўлмас. Агар беморнинг томири оҳиста-оҳиста урса, қараймиз агар йўғон бўлиб лопиллаб томир ушлаган кишининг қўлига қаттиқ тегмай, секин-секин тегса, агар томирни қаттиқроқ босиб турса, томир билинмай тўхтаб қолса, ҳўл-совуқ балғам зиёдалиқдин бўлур. Агар томир ингичка бўлиб, юқори кўтариilmай, остироқ солса, яна шу уриб турган томир ушлаган одамнинг қўлига қаттиқроқ урилса, қуруқ совуқдин бўлур. Агар беморнинг томири йўғон бўлиб, юқорига сакраб, тез-тез урса, қон зиёда бўлгондин бўлиб, ҳўл-иссиқдир. Билмак керакким, иситма бўлиб турган одамнинг томири тез ўткир солур. Лекин иссиқ иситма бирла совуқ иситманинг фарқи шулки, совуқ иситманинг томири иссиқ иситманикидек кўп қаттиқ тезлаб урмас. Иситмаси ҳам иссиқ иситмадек ўгкир бўлмас. Агар беморнинг томири узайиб урса, иссиқнинг қўплигининг аломатидир. Агар қисқа урса, иссиқ озликнинг аломатидир. Томирнинг узайиб уриши қандоқ бўлур. Тўрт элликнинг остида томир баробар уриб билиниб турадур. Қисқа бўлса, икки энлик, уч энлик тагида билиниб, қолган жойда ургани билинмас. Соғ кишиларнинг томирлари ҳар қанча узайиб урса, бадани қувватли, ўзи кучли экани маълум бўлур. Агар қисқа урса қувватсизликнинг ҳам шариат ишига қуввати озлик аломатидир. Агар кишининг томири тўлиқ урса, баданда рутубат қўпликтининг аломатидир. Агар тўлиқ бўлмай, бўш урса, рутубат озликнинг аломатидир. Рутубат қон бўлур. Ё балғам бўлур. Қон ҳўл-иссиқ, балғам ҳўл-совуқ, баданнинг тарбияти рутубат бирла бўлур. Ҳар гиёҳ дараҳтларга ҳам рутубат ҳўллик бирла яшнар. Одамзод ҳам шундоқ. Шунинг учун ёш болаларни тез-тез чўмилтиրмак керак. Униб-ўсишига кўп ёрдам берур. Гоҳида иссиқ ели бор одам томири ҳам, яъни бўғим-бўғимларида сариқ сув аралаш ел бўлса, агар иложини қилмаса, у ер-бу еридан тешиб чиқар. Мана шундоқ кишиларнинг томирлари иситма чиқиб турган одам томиридек бўлур. Томирни ҳар вақтда кўриб бўлмас, эрталаб, бемор ўйқудан уйғонганда кўриш лозим. Лекин янги йиқилган бемор бўлса, шул вақтида кўрмак керак. Мижоз совуқ бўлганида моддалиқ совуқму ёки моддаси совуқму. Моддалиқ совуқ бўлса балғам бўлур. Балғам ҳўл совуқдур. Моддалиқ совуқ бўлғоннинг аломати томири тўлиқ бўлур. Қимираши бўш бўлур. Моддаси совуқ бўлса, томири тўлиқ бўлмас, ингичкароқ бўлур. Ёки қуруқ-совуқ бўлур. Ҳўл-совуқ бўлганда, юқорига ўтди, балғам бўлур. Балғам деб, арабчада хапрукни айтур. Қуруқ-совуқ бўлганда, савдо булур. Савдолик кишининг томири ингичка бўлиб, остин урғай, яна аста-аста солғай. Лекин томирнинг қўлга урилиши қаттиқроқ бўл-гай.

Дилим шоди, кучим қўлдз, чаманзорим Тян-Шанда

Түғилдим ман шу Ватанда

Қаён кетиб, қаён турсам,

Кўнглим санда.

Авлодларим шул ватанда түғилгандур

Мирзо Бобур уруғларим ибни ҳоқон Темурхондир.

Илми ҳикмат ҳақиқати чин бўлсин,

Ой билан юлдузни ҳақиқат қилган

*Ерни ҳам кўрсун
Дунёда инсонлар озод ва ҳур юрсун.*

Алихонтура СОҒУНИЙ. 1937 йил.

Тамом.

Бу эсдаликни Қиргизистон тоғлари
Тойошу-Қуйошуларининг ғарбий
томонларида Қорасой деган,
одам бормайдиган жойда
қочоқ ҳолда ёзганлар.
Эсдаликни ўқиб, айтиб турувчи
Асилхон Алихонтўра ўғли ва
оқقا кўчирувчи
Юсупова Мұхаббат Эргаш қизи.